

COMMEN

TARIA VITI AMERBAHCII
in Ciceronis tres libros de
Officijs.

*Iam denuo ab ipso autore recognita, & multis in
locis aucta.*



Cum gratia & priuilegio Imper.

M. D. XXXIX.

LIBER AD LECTOREM.

Non tantum tibi nunc Lector me trado legendum,
Trado, sed ut nostri censor & esse queas:
Sic tamen, ut lector maneas, censorq; nec ultra,
Quam decet officium. progrediare, tuum.
Este procul, quibus est odium uenale, fauorq;
Pectoraq; Illyrica sunt nigriora pice.
Hos uolo, quos ficum delectat dicere ficum,
Quiq; scapham possunt dicere uelle scapham.
Quod si non illos potero uitare, paratum
Nepenthes norint semper adesse mihi.

CLARISSI

MO ET GENEROSISSIMO PRIN-
cipi Iohanni Ernesto, Saxonie Duci, Lantgrauio
Turingie, Marchioni Misnie, Meccenati
suo Vitus Amerbachius

S. P. D.



Um proposuiffem mi-
hi, tum ob alias causas
tum q̄ rogatus effem
ab amicis quibusdam,
ædere istas commenta-
tiones, quas superiore
anno conscripsi, in li-
bros Ciceronis de Offi-

cijis, & dictaui nonnullis honestis, & mei litera-
rumq; anantissimis adolescentibus in hac schola pri-
uatim, quando ab alijs laboribus, quorum ut publicè,
non prorsus nullos, ita priuatim satis magnos pro
mea imbecillitate sustineo, meum quoddam ocium,
& uelut uacationem haberem: nihil perinde mihi
in uotis fuit, quàm ut tibi placerent, Clarissime Prin-
ceps, ac aliquid accessionis, quantulumcūq; esset, fa-
cerent tuis studijs, & culturæ: tum etiam, ut alijs
pueris & adolescentibus, uel ad intelligendum Ci-

ceronem, uel ad iudicandum, uel etiam ad cogitandum de tota hac parte Philosophiae, quæ à moribus & consuetudine Græcis ἠθικὴ dicitur, Latinis aut morum, aut officiorū, aut uirtutum doctrina, & ratio, aliquod afferrent adiumentum. Quanquam enim non hoc efficit, sola cognitio talium rerum, ut simus iusti, fortes, aut liberales, & item alijs uirtutibus præditi, honesteq; & bene, ac beatè, & congruenter naturæ uiuamus: non tamen leuissimū pondus habet illa ad hoc, quod dicunt honestè, & rectè uiuere. Idq; uel ipse Aristoteles, qui propter hoc Socratem reprehendit, quod uirtutem in scientia posuerit, aut uoluerit esse tantum scientiam quandam uirtutem, cogitur concedere, cum, ut inquit Poëta, ignoti sit nulla cupido, sed tum intelligentia rerum extimulet nos ad agendum aliquid, tū ipsæ res pro eo, ac pronunciatæ à nobis sunt bonæ esse, aut malæ. Quod autem non sit hoc solius doctrinæ munus, ut homines sint boni, & probi, declarant multa exempla non tantum superiorum temporum, sed præsentium etiam. Quot enim fuerunt ingeniosi, quot eruditi uiri, qui multa perturpiter fecerūt, & si quas, paucas illas habuerunt uirtutes? Quot nunc sunt exculi literis, qui malunt tamen de uirtute alios docere, quàm ipsi facere, quæ uirtus iubet & præscribit? Non hoc dico literarum odio, ut calumniatores
interpretari

interpretari possunt, & solent, sed ut ostendam, in doctrina & Philosophia non hoc tantum esse positum, ut simus boni uiri, sed alijs etiam, & quidem grauioribus adminiculis ad eam rem opus esse. Ego quidem sentio, & sine pudore fateor, nō statim esse me quando uideo, & intelligo, quid sit honestum, ad faciendum etiam idoneum, aut promptum. Quid igitur deest ad uirtutem habendam, cum nunc est cognita? Magnæ sunt de hac re ueterum sapientum, & difficiles disputationes, sed hoc tamen est maxime consentaneum rationi & naturæ, quod Aristoteles docuit, usum, & exercitationem, aut consuetudinem debere cognitioni accedere, quendamq; naturæ impulsus, quem Græci uocant *διδότῆτα*, aut *ὁρμητικὸν*, quæ tanquam supremam uirtutis manum imponat. A Christianis doctoribus hæc non paulo aliter explicatur. In eotamen cum Philosophis concordant, quod nō omnino tollunt ex natura, nisi si qui sunt plus quam Stoici, uirtutes, & illa uirtutum initia, & incrementa, & perfectiones, quatenus possunt in hac infirma natura esse, uersanturq; tantum fere intra præcepta secundæ tabulæ Diuinæ legis, atq; actiones pariunt, quæ illi uocāt bona opera, quæ ad homines inter ipsos respiciunt. Sed hæc illa non pertinent. Quare neq; ij, qui literas didicerunt, neq; illi, qui usu nunc & consuetudine, quodamq;

P R A E F A T I O .

damq; naturæ beneficio sunt hoc affecuti, ut et
 ament uirtutem, et faciant plerumq; illa, quæ cum
 ratione consentiunt, putare debent ueram se et ab-
 solutam uirtutem habere. Alteris enim deest cogni-
 tio, seu $\phi\phi\acute{o}\nu\sigma\iota\varsigma$, alteris consuetudo, et exerci-
 tatio. Atq; tu Ornatissime Princeps, cum non omni-
 no nihil habeat momenti ad honestatem, et officij
 rationem cognitio, et doctrina, meumq; hoc sit pro-
 positum et studium, ut hoc opusculum Ciceronis
 probatissimum, et dulcissimū illud quidem, facilius
 et clarius intelligi queat, adeoq; illud Philosophiæ
 genus, quod ad uitam est accommodatissimum, et
 quod Principes in primis commendat, debes religio-
 se de omni genere præceptorum sentire, diligenter
 ea legere ac discere, præsertim quæ de moribus, et
 à doctissimis hominibus, inq; sua Repub. Principi-
 bus per scripta sunt, et ea deinde beneuolentia et
 studio me complecti, quo complecteris alios, quoq;
 complecti omnes, qui conantur talia, debere te iādu-
 dum persuasum habes. Id quod multis manifestis ar-
 gumentis testatum nobis quotidie facis, cum et ipse
 literarum studia colis, et quibuscunq; potes officijs
 et honoribus afficis honestas artes, earumq; pro-
 fessores. Quam re nihil adeo mirum uidetur mi-
 hi fieri, Nam, et si hoc tempore pauci Principes
 magnificiunt illas disciplinas, tamen cū maiores tui
 semper

semper unicè dilexerint pacem, & omnia, quæ pacem adiuuare possunt, inter quæ uel primas literæ tenent, præcipuè uerò patruus tuus Princeps nulli secundus, uel sapientia, uel pietate, uel amore erga suos ciues, & paulo ante pater cum alijs uirtutibus insignis, tum integritate & constantia præcipuus, & hoc tempore tuus frater, de quo nihil nunc aliud dico, nisi quod illius maximè cura & uigilantia perfectum est, ut tam diu in hoc pulcherrimo ludo, & tractatione literarum, uelut in incepto cursu ad uirtutem detinereris: Cum, inquam, semper dilexerint pacem, & literas illi, nõ aliter debuisse, aut potuisse fieri arbitror, quàm ut tu quoq; maiorum uestigijs incedens, illa faceres, quæ facere Saxonicos Principes nunc propemodum naturale, aut hæreditarium est, quæq; tuis maioribus æternam gloriam pepererunt. Nihil fingo, quod facere procul à meis moribus abest, hoc dico prorsus, quod sentio, putoq; uerū me dicere, & multo, quàm conueniebat, tenuius. Vnde autem est illa immortalitas, & perpetuitas uestre gloriæ? Non quidē certè ex uirtutibus tantum uestris, quanquam ex illis præcipuè, sed prorsus ad hoc scripta etiam doctorum uirorum, qui in uestra schola semper fuerunt, quàm diu illa fuit, singulares. Et pro summis uestris beneficijs in totam rem literariā hoc gratiæ uobis rependūt, quod ut in

speciem exiguum est, ita maius, & durabilius, quam
ulla opes, aut potentia, sicut egregiè & uerissimè
canit Ouidius:

Tabida consumit ferrum, lapidemq; uetustas,
Nullaq; res maius tempore robur habet.

Scripta ferunt annos, scriptis Agamemnona nosti,
Et quisquis contra, uel simul arma tulit.

Breuius idem & significantius Græcus Poëta dixit
hoc uersiculo:

Εκ μοισῶν ἄγαθον κλέος ἔρχεται ἀνθρώ-
ποισι.

Verum non hoc tantum faciunt eruditi homines, ut
uirtutes, & præclarè facta Regum & Principum
notæ sint in multam posteritatē, sed uitia quoq; illorū
depingunt posteris, & rectè quidem, cum, ut
uirtutes laudem, ita uitia mereantur uituperatio-
nem. Quam ob causam quoq; sapienter non tantum
ualde amauit doctos uiros Alexander Seuerus Imp.
sed formidauit etiam, ne de se aliquid asperum scri-
berent, & cauit, quantum potuit fieri, ne rectè aut
uerè possent hoc facere aliquando. Quæ poterant
hic multa alia dici de laudibus literarum, & officio
Principum in conseruandis ijs, & colendis, cum &
notæ nunc sint, & talibus uocibus quotidie aures tuæ
circumsonent, omitto illa, & quædam potius ad-
do pauca de hoc Ciceronis opere, & hisce meis scho-
lijs. Et

lijs. Et certè uel propterea debent omnibus hi libri commendatissimi esse, quod præcipiunt de honestis actionibus, & ea uitæ ratione, sine qua nemo potest hominem agere, & ne quidem dignus esse hominis appellatione. Quod tu proculdubio probè intelligis Optime Princeps, nec habes opus ea de re longa oratione. Iam ea luce & elegantia usus est Cicero in hac disputatione, ut nullam eius Philosophicâ disputationem, quanquam multas longè prolixiores eius generis nobis scriptas reliquit, huic anteferendam putem. Certè, quod ad utilitatem attinet, hæc facillè ceteras omnes uincit. Quàm aptè definiuit, quàm pulchrè diuisit Officium? quàm commodè partitus est totam disputationem in suas partes, uelut corpus aliquod in sua membra: quàm diligenter inuestigauit initia, unde omne officium oritur? Quàm appositis usus est exemplis, quàm illustribus tum exemplis tum similitudinibus, quàm doctis & ingeniosis collectionibus? Quàm multas & graues sententias ex Platone, & alijs magnis Philosophis, & scriptoribus ueteribus desumpsit? Quàm grauerè reprehendit aliquando magnos auctores? Sed quis omnia queat enumerare, quæ in hoc uolumine sunt aut recte aut ornate dicta? Infinita sunt illa. Potest hoc tibi etiam satis argumenti esse, cognoscendum esse hoc opus diligentissime, quod idem Seuerus nobilissimus

Imp. adeò lectione eius delectatus est, ut latina legēs
 nihil penè aliud legerit, q̃ libros Ciceronis de officijs
 Et Augustus Cæsar capto eo libello de manibus eius
 iusdā suorū nepotum, & plurima eius parte stando
 perlecta, reddidit eū illi, hæc uerba addens: Eloquentes
 hic uir, eloquens fuit fili, & amans patriæ. Venio
 nunc ad meos commentarios. Recte enim uidentur
 mihi appellari sic posse, cū exponant summam Ci-
 ceronis sententiā oratione continua, & hoc in poste-
 rioribus libris paulo prolixius. Præter hoc autem
 sunt addita similia dicta ex autoribus Græcis & La-
 tinis, ubi uisum est commodum. Adscripsi etiam
 locos ex Græcis maxime, si quos potui, aut citatos in-
 tegros à Cicerone, aut signatos tantum, aut etiam
 uersos, Postremo intricatiores, et difficiliore dispu-
 tationes paulo uberius, & liberius, prout est mea
 consuetudo, explicauī, ille tamen non multe sunt,
 & sic longæ, ut sine fastidio legi arbitrer eas posse.
 Ac Ciceronis sententiam, quoties ita se res dedit,
 cum Aristotelis sententia contuli, sic tamen, ut pro-
 rerum subtiliore, & pressiore explanatione magis
 in Aristotelis, quàm Ciceronis iudicium & senten-
 tiam inclinauerim. Atq; id unicuiq; liberum esse exi-
 stimo. Quod si cui uidebor durius, & impudentius
 fecisse, quod non omnia Ciceronis approbauerim,
 sic ille putet, nec defensione mea Ciceroni admodū
 opus

opus esse, nec mea, aut cuiusq; alterius reprehensione, laudibus eius amplissimis, quod sit alicuius momenti, posse decedere, Et non studio diminuendariū laudum Ciceronis, quē amo, ut qui maxime, gratia quicquam dixisse. Præterea hoc quoq; ille meminērit, hominem fuisse Ciceronem, & de talibus rebus disputasse plerunq;, quæ in uarias partes agitari possunt ipsius etiam iudicio. Quo magis miror illorum uel stultitiam, uel puerilem amorem, qui pro singulis tantum non syllabis Ciceronis, aut aliorum magnorum autorum, tanquam pro patria, aut pro aris & focis, dimicandum sibi esse censeant. Porro tam et si multæ annotationes eruditæ, & utiles, tum his annis aliquot, tum antea quoq; à doctissimis uiris in hoc Ciceronis opus sunt æditæ, illisq; neutiquā nos pares sumus, non tamen existimo, nullum locum inter horū scholia meos Commentarios habere posse. Et hoc audeo affirmare, à nemine hactenus, quod ego sciam, isto modo, & ratione expositos esse hos Ciceronis libros. Quàm bene aut sceleriter, alij iudicent. Voluntas profecto, & studium, aut labor adeo mihi non defuit, quicunq; erit euentus, ut pleraq; uideri possim etiam, quàm conueniebat, exposuisse superstitiosius, Habes nunc Præclarissime & Clementissime Princeps, & satis prolixè habes, quæ ad commendationem partim huius operis, partim studij.

studij, & conatus mei, tum etiam meijpsius ad te hoc
tempore mihi scribere in animo fuit. Et rogo te ue-
hementer, à tam honestis laboribus, ut ne me abster-
reas, sed potius ad eos inuites, & accendas. Quod
fiet, si animaduertero tibi non omnino, quod feci, bo-
no quidem animo, & pleno erga te summi amoris,
& obseruantie, displicuisse. Vale. Et, sicut ego
tibi Princeps clementissime cupio cōmendatus esse.

ita cupio & expeto, & precor, ut Christo

Opt. Max. tu sis quàm commendatissi-

mus. Iterum uale. Datum

Vitembergæ V. Idus

Nouemb.

AD PRINCIPEM.

Heroum soboles paruum clarissime Princeps

Hoc tibi commissum protege mitis opus.

Parua decet magnos defendere: parua tuetur

Sic Deus, & maius nil queat esse Deo.

VITVS AMERBACHIVS

candidis Lectoribus S. D.



Excitat auditor studium, laudatq;
uirtus Crescitq; immensum gloria
calcar habet, Ingenue dicit Poeta,
nosq; professores artium sepe id
sentimus, nec est hoc dissimulandum
quacunq; ratione fiat in natura, non mala, ut existi-
mo per sese, aut si quis alioqui sibi norit imperare.
Sic uos quoq; Lectores excitauistis magnum quod-
dam meum studium erga uos, & hoc meum opuscu-
lum non quidem audiendo me concionantem uobis,
quanquam concionantem etiam aliquo modo uobis,
sed legendo meas nugas illas fortasse, quæ tamen, si
tales omnino sunt, non cum paucis huius seculi scrip-
toribus id commune habeant: Si quid patrocinatur
peccato illorum, qui peccant, multitudo: certè mihi
non sine labore constant, quæcunq; sunt illæ, nec stu-
dium docendi mihi defuit. Cur enim nõ arbitrer, uos
etiam legisse, cum eas emeritis adeò cupide, ut nunc
sibi recudendas Librarius existimet? Nolo enim pu-
tare uos in eorum numero esse, qui hoc agunt potius
ut habeant libros, & uideantur eorum lectores,
quàm ut legant, ac utantur eis rectè. Quod ut non
est omnino ex sese turpe, ita qui uelut Magistratum
aliquem

aliquem in hac literaria Republica gerunt, hoc ne possunt quidem commodè facere. Sed ineptus sum, qui meum etiam librum huc referendum censeam. Quamquam quid uetat hoc me de uobis sperare, & ex emptione, tanquam ex manifesto signo quandam uestram erga me beneuolentiam colligere: Siue autem decipior in hac animi mei inductione, quod certè nolim, siue, quod expeto, et spero, uerus mihi uadetes fui, per pulsus hac re, meos istos commentariolos quamprimum ad me perlati sunt ex officina Typographica, relegi totos ac emendauì, sicubi corruptè scriptos inueni: Inueni autem in plerisq; locis: & quædam etiam addidi, magis ornandorum ipsorum, & implendarum postremarum, quæ erant uacue, paginarum gratia, quàm quæ existimaui aliquid deesse iuste expositioni, præsertim correctis nunc erroribus chalcographicis. In ordine prorsus nihil mutatum est, ac separaui à disputatione Ciceronis nostram expositionem, sic, ut quædam coniunctio tamen sit facta, licetq; si libet, hoc uocare uel separatam coniunctionem, uel separationem coniunctam. Non autem existimo in hac re peccatum aliquid esse, cum & ijs, qui habuerunt antea Ciceronis hoc opusculum seruiti sit descriptione superiore, & nunc seruitur ijs, qui nondum habent. Puero- rum enim & adolescentium, ac imperitorum adeoq; tenuiorum

24
cenuiorum causa hoc laboris est susceptum. Habent
sapientes, & docti alia, quæ uel legant, uel ipsi com-
ponant, longè his nostris meliora, & perfectiora,
nec suum cuiquam inuideo. Mihi satis est, me &
meos quosdam delectare, & iuuare, donec aut simi-
lis illis factus fuero, aut paulò propius ad eos acces-
sero. Non cupio mihi locum inter hos dari, ut qui-
norim infirmitatem meam, & res ipsa testatur, ma-
gna ex parte res pueriles hic me tractasse, eroq; cõ-
tentus eo, quemcunq; tum ipsi, tum fortuna mihi lo-
cum tribuerit. In eorum enim potestate, aut iure aut
iudicio prorsus esse nolo, qui aut nihil horum didice-
runt, aut si quid didicerunt, odio & inuidia trans-
uersi aguntur ita, ut nequeant iudicare. Molestum
est genus hominũ utrunq; & odiosum, nec dignum,
quod inter honestos & probos uiros ullum consue-
tudinis gradum teneat. De his existimaui nunc uos
monendos esse, in quorum manus liber hic perue-
niet, ac rogo uos, in bonam partem hanc meam sol-
licitudinem ut accipiat. Ego ubicunq; sic usus tu-
lerit, par pari ut referam, studebo, ac omnibus ui-
ribus hoc agam, ut huius uestre beneuolentia,
studij, amoris, officij memo-
ria, nunquam ex animo
meo deleatur.

Valete.

ARGV

ARGVMEN

TVM TOTIVS

operis.



DE Officijs hic liber est
inscriptus propterea,
quod doceat, quid in
tota uita cuiq; agendū
sit pro sua etate, con-
ditione, uitæ genere,
pro temporum, locorū,
personarum, &

aliarum circumstantiarum ratione. Notum enim
est, quantum habeant hæ momenti in omnibus uitæ
partibus. Sed his de rebus ordine, & suo loco in
Commentarijs abunde spero me dicturum esse. Itaq;
his omiſſis, qua ratione & uia doceantur illa in to-
to opere, paucis exponamus. In primo libro de
actionibus illis traditur, quatenus ex honesto oriun-
tur, & illud respiciunt, ut causam & principium.
Diuisum est autem honestum, aut uirtus, in quatuor
partes, Prudentiam, Iusticiam, Fortitudinē, & Mo-
destiam. Has ordine percurrit Cicero, ostendens,
quæ officia ducantur ex unaquaq;. Sub finem libri
confert etiā duo, aut plura honesta inter se, docetq;
Maius

Maius Minori in usu rerum præferendum esse.

In secundo libro perpendit, & excutit hoc genus Officiorum, quod in utilitatis ratione uersatur, aut quatenus ad utilitatem refertur, & propter eam suscipitur, in cuius fine fecit comparationem utilium inter se, & monuit grauius leuiori, aut plura paucioribus præponi debere. In tertio libro confert utile cum honesto, & indicat, quid sit faciendum, quando illa uideantur sibi aduersari mutuo, sic ut honestum aliò nos inuitet, aliò quod utile dicitur. Nam re uera nunquã hæc inter se pugnare ex Stoicorum doctrina contendit. Quæ de re nos etiã quid sentiremus, aut potius Aristoteles, in ea parte indicauimus. Atq; sic tota res ad duo capita bonorum, honestum, ac utile accommodata est. Tertium est omissum, quod uoluptatem dicimus, nisi quantũ est obiter de eo dictum. Hos enim ordines, & partes bonorum fecerunt Peripatetici. Quorum postrema Stoici canē peius & angue oderunt. Si tamē in uita & moribus fuerunt quoq; tam rigidi, & tantum nõ ἀνὰ δὲ τοιοῦτοι, quam fuerunt in scholis et libris. Sed, ut tum hæc, tum alias ueterum Philosophorum disputationes intelligāt melius imperitiores, hoc uelut auctarium addam. Quatuor maxime insignes, & præcipuæ sectæ Philosophorum fuerunt, Peripatetici, Stoici, Epicurei, Academici, atq; hi omnes

ex Platonis schola, tanquã ex stirpe aliqua, prodierunt. Nam in illius libris ita Socrates disputat, ut magis ostendere uideatur quàm uarie possint res disputari, quàm ut doceat, quid de rebus sentiendum sit. Inde quisq; eorum, qui secuti sunt, pleriq; auditores etiam Platonis, decerpserunt, quæ suæ naturæ, tanquam palato saperent. Quanquam enim semper inter homines fuerunt hæc discrimina opinionum de rebus, tamen illa magis latebant adhuc in animis, aut in priuatis moribus, & usu uitæ interiore, quàm pro doctrina, & professione, quæ publicum quiddam sunt, & sparsum late inter homines, habebantur. Ac durabit hoc animorum iudiciũ tam diuersum, donec homines erunt. Quæ res alia fuit Iudæis causa tot sectarum, Phariseorum, Sadducæorum, Essenorum, & similium, quàm illa uarietas iudiciorum humanorum. Monachi quoq; uidentur singulariter hoc expressisse in suis ordinibus, Nam & si ferè infiniti sunt illi, tamen quatuor ex eis, ut præcipui, qui sectas illas Philosophorum exprimant, sumi possunt. Hos qui uolet sibi seligat, & diligentius conferat cum sectis Philosophorum, nobis satis hoc sit monuisse. Porro fuerunt inter Philosophos præter alias multas, uariæ disputationes de finibus bonorũ & malorum, seu de summo bono, seu ultimo, seu extremo, quod etiam felicitas & beata

Et beata uita dicitur. Peripatetici, qui et Aristo-
 telici dicuntur, in uirtute sic posuerunt felicitatem,
 ut suum tamen etiam aliquod momentum alijs bonis
 tribuerent. Stoici uirtutem solam contenderunt
 esse non tantum felicitatem, sed etiam bonum. Reli-
 qua enim bona contra commune omnium hominum
 iudicium, negarunt esse bona. Quanquam illa uoca-
 uerunt prælata aut præducta, Græcè προηγουμένα,
 sicut mala alia præter uicium, non mala, sed ἀπο-
 προηγουμένα, id est, postposita, aut reiecta appella-
 uerunt, non rebus, sed uocabulis tantum à Peripate-
 ticis dissentientes. Epicuræi pro uoluptate sic pu-
 gnauerunt, ut pro uirtute Stoici. Academici nihil
 istorum statuerunt, sed ut in alijs rebus, quod maxi-
 mè uerisimiliter esset disputatum, hoc tanquam da-
 tum accipiebant. Et re uera spectatores magis fue-
 runt in his fabulis, si ita est dicendum, quàm actores.
 Ex eorum professione fuit Cicero, et semper tamē
 in Stoicorum sententiam magis propendit, quàm ut
 lorum aliorum. Fuerunt et alie de hac re senten-
 tie, sed ego præcipuas tantum uolui, et quidem nō
 nisi procul ostendere, de alijs poterunt, quibus hæc
 cordi sunt, consulere Ciceronis opus de

Finibus conscriptum. Nunc

ad alia pergo.

B 2

Argus

ARGVMENTVM PRAEFA-

tionis primi libri.



Vae sunt in hac Praefatione partes
 praecipuae. Prior est Suasoria, Ci-
 cero enim in ea filium suumhorta-
 tur ad lectionem suorum librorum
 duobus maxime argumentis: tum
 quod ipse hoc fecerit, tum quod feliciter fecerit.
 Excitat eum ibi simul occultius tamen ad uniuersae
 Philosophiae studium. Haec pars est ornata occupa-
 tione, quod non temere dixerit suos libros ad dicen-
 di facultatem conducere, cum sit diu in foro uersa-
 tus, et collatione, quod Graeci non cum dicendi stu-
 dio coniunxerint Philosophiam, sicut ipse coniun-
 xerit. Posterior est expositio causae, cur de officijs
 ad eum scribat, sumptis argumentis ab utriusque aeta-
 te, seu persona, et ab honesto ac utili. De hoc suo
 studio tractandi Philosophiam, et diligentia expli-
 candi hanc partem eius de Officijs ita scribit ad
 Pomp. Atticum: Nos hic φιλοσοφούμεθα, quid
 enim aliud? et τὰ πρὸ τοῦ καλὸν καὶ ὠφέλιον
 μαρτυροῦμεν, προσφωνοῦμεν; Ciceroni.
 Quade re enim potius pater filio? In fine est addi-
 tareprehensio Epicureorum, qui omnem rationē
 officiorum sua doctrina perturbauerant, et corru-
 perant. Id autem sit per correctionem.

Quoniam

Quoniam Aristonis &c.

Horum Philosophorū Cicero cū in alijs plerisq;
locis, tū in 2. lib. de Finibus, & in 2. Acad. quæst. me
minit. Sunt aut̃ hæc eius uerba in eo loco de Finibus

Quæ cum Aristoni & Pyrrhoni omnino uisa
sunt pro nihilo, ut inter optime ualere, & grauissi-
me ægrotare nihil prorsus dicerent interesse, recte
iam pridem contra eos desitum est disputari. Dum
enim in una uirtute sic omnia esse uoluerunt, ut eam
rerum selectione expoliarent, nec ei quicquam, aut
unde oriretur, darent, aut ubi niteretur, uirtutem
ipsam, quam amplectabantur, sustulerunt. Herillus
autē omnia ad scientiam reuocans, unum quoddam
bonum uidit, sed nec optimum, nec quo uita guber-
nari possit. Itaq; hic ipse iam pridem est eiectus.

Placet igitur,

Quia non uno modo solet de officio disputari,
& officia non sunt unius generis, initio huius ope-
ris Cicero, & de quo genere officiorum uelit doce-
re, ostendit, & simul duas officiorum diuisiones po-
nit, Quarum utraq; duas habet species, & sunt in-
ter se cognatæ, aut posterior ad priorem pertinet.
Vtrum enim officium aliud alio sit præstantius, &
perfectius, in illa exactiore disputatione de officijs,
quæ habetur de finibus, dubitatur, & inquiritur.
In hac Ciceronis disputatione, & similibus, non hoc

queritur, sed tanquam certum sumitur, & de altera tantum eorū parte præcepta proponuntur, quæ media continent officia, id est, quæ in mediocres viros, aut omnino bonos, ac sapientes. prout patitur natura humana, cadunt. Illa altera disputatio de officijs generalis est, ac θεωρητικῇ. Hæc Ciceronis est specialis, ac πρακτικῇ. Hanc enim diuisionem nunc faciunt, in omnibus ferè artibus, ut aliter Iurisconsultus in schola de iure disputat, aliter in foro: Aliter Arithmeticus de numeris, aliter Mercator: aliter Musicus de sonis iudicat, aliter Cantor. Quanquam in his libris etiam de principijs, & ipsis fontibus non semel dicitur, ut initio statim, ubi tota hæc disputatio diuiditur in suas partes, quæ nihil aliud sunt, quàm principia, ex quibus omnia præcepta de officijs oriuntur. Præterea Cicero hic interim, dum officia diuidit & definit, ostendit de quo genere officiorum sit tractaturus. Qui locus est generalis propositio totius disputationis. Vocabulum autem officium Latinis propriè significat, quod conuenit, quod decet, & prorsus consentit cum Græca uoce καθήκον, nisi quod Latina quàm Græca plenior est, sicut etiam ipse Cicero in quadam epistola ad Atticū docet his uerbis: Quod de inscriptione quæris, non dubito, quin τὸ καθήκον officium sit, nisi quid tu aliter, sed inscriptio plenior

plenior de officijs. Haftenus Cicero. Fortaffe pro-
 pterea Latinū significantius est Græco, quod illud
 ab efficiendo est dictum: sic enim scribunt ueteres
 Gramatici, hoc uero à conueniendo, Græcis enim
 ἤκω uenio, καὶ ἤκω conuenio significat, quod est
 uelut paulo pigrius, quàm efficio, uerbū. Potest au-
 tem sic generatim defini Officeium, ut sit omne hoc
 quod unicuiq; homini conuenit, siue sit factum, siue
 dictum, siue gestus, siue etiam cogitatio. Hoc autem
 uel ipsa uirtus est, uel effectus uirtutis, aut certe fi-
 nis, ut idem sit, quod uocant Plato & Aristoteles
 καλὸν, aut ἐν πρᾶξι. Nam hoc ab Ouidio di-
 ctum est improprie:

Temporis officium solatia dicere certi est.

Et propriè sic diceretur: Hominis est officium, cer-
 to tempore dicere solatia. Utuntur hoc nomine præ-
 terea Latini pro beneficio, uel honesto quodam ob-
 sequio, pro Magistratu, aut pro eo, quod in publico
 fit, ut cum Vlpianus dicit: Fœminæ ab omnibus offi-
 cijs civilibus, uel publicis remotæ sunt: haud scio an
 ueteres, & probati scriptores usurpauerint. Certe
 raro fecerunt hoc, si fecerunt. Sed propriam tantū
 significationem habet illa dictio in hac disputatio-
 ne, quod ad caput eius & summam pertinet.

Triplex igitur.

Hic partitur Cicero propositionem generalem,

re fili &c. ex Platone sumptum est, ubi tamen de prudentia Plato loquitur. Cicero transtulit hoc ad honestum ualde commodè, cum prudentia sit tanquā gubernatrix omnis honestatis. Sic ait Plato in phædro: ὅψις γὰρ ἡμῖν ἐξυτάτη τῇ διὰ τῶ σῶματος ἐρχεται αἰσθησεῶν, ἥ φρόνησις ὅχ ὁρᾶται. Ἰδμεὺς γὰρ αὐ παρῆχεν ἑρωτας, εἴ τι τοιοῦτον ἐαυτῆς ἐναργεῖς εἰδωλον πρᾶχεν το εἰς ὅψιν ἴον.

Sed omne quod.

Hactenus est propositū, quid in toto opere tractandum sit, idq; ut fieri debere alibi Cicero docet, factum est per partitionem, in qua etiam de primis iniitijs totius rei nonnihil est adiectum; nunc alterū caput disputationis sumit, nempe honestatem, & diuidit eam in quatuor uirtutes, Prudentiam, Iusticiam, Fortitudinem, & Temperantiam. Harum etiam officia exponit, & materias, in quibus uersantur, indicat. Notandum autem est, quod Cicero inter uirtutes morales recitat prudentiam, contrā, quā facit Aristoteles. Is enim inter habitus intellectus illam numerat. Morales autē uirtutes sunt uoluntatis habitus, & finis earum est agere, sicut prudentiæ finis est intelligere ad agendum. Non autem procul abest Ciceronis sententia à sententia Aristotelis, & inde uidetur esse facta dissensio: quod sicut

morales uirtutes nō sunt absq; intelligentia, ita prudentia non est sine actione, aut certè parit actiones, non tamen autem uirtutes morales, quatenus intelligunt, sunt uirtutes, sed quatenus agunt: aut prudentia, quatenus gignit actiones est prudentia, sed quatenus iudicat & intelligit.

Ex quatuor autem.

Hic incipit Cicero de uirtutibus eo modo & ordine, quo fuit propositū, docere, & præcepta præscribere. Debet autem in hoc loco iterum meminisse Lector, quod tota res ad illa duo capita, Honestatis, & Utilitatis hominum inter se referatur, & ostendi à Cicerone, quæ honestæ, & utiles actiones ex qualibet uirtute nascantur. De Prudentia non prolixè disputat, quia paulò utitur hoc uocabulo, quàm Aristoteles uocabulo $\phi\rho\nu\nu\sigma\iota\varsigma$, aliter, & ueri notitiam per sese ei subijcit. Aristoteles autem $\phi\rho\nu\nu\sigma\iota\varsigma$ uocat notitiam ueri, quatenus est circa res hominibus bonas, & ad beatam uitam utiles. Ac sic propemodum Cicero confundit dictiones, prudentia, & scientia, & pro eodem utitur utraq;. Deinde doctrina de scientia non propriè ad hanc disputationem de moribus pertinebat, hinc est, quod Cicero breuis est in hac parte, & tantum ostendit cognitionem ueri maximè hominis naturæ esse propriâ. Quod etiam Aristoteles docet, cum ait: $\pi\alpha\nu\tau\epsilon\varsigma$
 $\alpha\nu\theta\rho\omega\pi\omicron\tau\epsilon\varsigma$

αὐθροποι τὰ εἰδέναι ὀρέγοντ' φύσει. Pre-
 terea ἡδονῶν μετ. β. Prudentiam posuit inter uir-
 tutes ob eādem causam, quod regat omnes omnium
 appetitionum μεσότητας (Cicero uix audet eas
 in quodam loco medietates latino uocabulo dicere)
 hoc est uirtutes morum, et comparat eam cum ar-
 chitectonica, sicut etiam prudentem cum archite-
 cto, quod uocabulum, ut hoc etiam unā indicem, à
 Græco ἀρχιτέκτων est factum, non, ut quidam
 uolunt à tecto, qui gubernat fabros, ac eis præscri-
 bit et reliquas uirtutes cū fabris, qui sequuntur illius
 præscriptum, et parent, comparat. Iam sicut archi-
 tectus eodem nititur, quatenus respicit ædificium,
 quò faber, et est ποιητικὸς, id est, factiuus, aut si
 hoc nimis durum est, et inusitatum, præditus facul-
 tate faciendi, ita prudens, quatenus respicit actio-
 nes, aut res hominibus bonas, ad idem contendit ad
 quod uirtutes, et est πρακτικὸς, hoc est, agendi
 facultate præditus, aut, si hoc magis placet, acti-
 uus, et propterea laudabilis. Hoc autem esse pro-
 prium est uirtutum. Sic ipse inter cetera inquit :
 ἡδὲ φρόνησις ὥσπερ ἀρχιτέκτων τὴν αὐ-
 τῶν ἐστὶ. θῶρος γὰρ αὐτὴν προσαΐει, ὅτως
 αἱ ἀρεταί, καὶ οἱ κατ' αὐτὰς πράττειν,
 ἐπὶ οὗ αἱ ἀρεταί πρακτικαί, καὶ ἡ φρόνη-
 σις πρακτικὴ ἀμείν. Tradit autem de ea re
 tantum

tantū tria præcepta Cicero. Primū est, non debere uos incertis pro certis assentiri. Alterum, non esse multum laboris aut studij consumendum in rebus obscuris, & non necessarijs. Tertium, quod non sint actiones, & utilitates hominum præ studio ueritatis inquirendæ, & artium discendarum negligendæ. Qua de re elegans est hæc Aristotelis sententia, quam uidetur Cicero transcripsisse: τὸ τέλος ἐστὶν ὁ γνῶσις, ἀλλὰ πράξις. Et alia: πράξις μὲν γὰρ, καὶ ἐν πράξει, ὡς περ δὲ ὀλυμπιάσι, ἔχουσι κάλλιστοι, καὶ ἰσχυρότατοι σεφανδῶνται, ἀλλὰ οἱ ἀγωνιζόμενοι (τότῳ γὰρ τινες νεκῶσι μὲν) ὅτῳ καὶ τὸ ἐν τῷ βίῳ καλῶν κ' ἀγαθῶν οἱ πράττοντες ἐπιβολοὶ γίγνονται. Aliibi uocat uirtutem actuosam pulchrè expressa Græca uoce.

De tribus autem reliquis.

Ad iusticiæ naturam, & officia explicanda, hic Cicero accedit. Eius partes, uel species duas facit. Alteram generali uocabulo, appellat Iusticiam, alteram Beneficentiam. Aristoteles distinxit has duas uirtutes, & de hac in tertio Ethicorum tractauit, de illa in quinto. Cæterum Aristoteles facit duplicem iusticiam, Generalem, & Specialem. Generali adscribit usum reliquiarum omnium uirtutū, quatenus alium respiciunt: Speciarie medietatem inter plus & parum

Et parum, non tamen quarumlibet rerum, sed ho-
 noris, diuitiarum, et similium ad uitae conseruatio-
 nem et cultum pertinentium. Hinc est quod Cicero
 beneficentiam cum iusticia coniunxit, nempe ex eo,
 quod iusticia est gubernatrix omnium uirtutum, non
 ex eo, quod pars est uirtutis. Tribuit autem ei hanc
 uim, ut conseruet genus humanum, et societatem,
 ac tranquillitatem inter homines: siquidem relin-
 quat suum cuique, et distribuatur inter homines aequa-
 liter cum ius, tum alias res, quarum est ius. Sed ta-
 men hoc fit dupliciter, sicut docet Aristoteles, secun-
 dum proportionem Arithmeticam, et secundum
 proportionem Geometricam. Nisi enim hoc fiat, ne-
 cesse est rixas, iurgia, lites, bella inter homines exi-
 stere. Id eleganter dixit Aristoteles his uerbis: ἀλλ'
 οὐτε ὕβερ μάχαι καὶ τὰ ἐγκλήματα, ὅταν
 ἴσοι μὴ ἴσα, ἢ μὴ ἴσοι ἴσα ἔχουσι, καὶ νέμou-
 ται. Sed harum rerum subtilior et integra dispu-
 tatio est ex ipso Aristotele petenda. Postremo, locus
 quem hic uertit Cicero ex Platone, extat in qua-
 dam epistola ad Architam Tarentinum. Haec autem
 sunt uerba Platonis: ἀλλὰ κακῶν δόξαι σε οὐδὲ
 μῆδ' ὅτι ἕκαστος ἡμῶν ὅχ' αὐτῷ μόνον γέ-
 γονεν, ἀλλὰ τῆς γενέσεως ἡμῶν τὸ μὲν τι
 ἢ πατρὶς μερίζεται τὸ δὲ τι οἱ γεννήσαντες,
 τὸ δὲ οἱ λοιποὶ φίλοι.

Fundamentum autem.

Quid fides ad iusticiam faciat, & unde sit dicta, obiter insertum hic est. Proprie autem Fides significat persuasionem de aliqua re, aut credere (ut sic dicam) ipsum, ex quo dicitur fidem facere, fidem habere, simpliciter, alterum pro persuadere, alterum pro credere. Deinde accipitur pro religiosa quadam promissione, quæ est uelut tacitum, & occultum iusiurandum, ut hæ formulæ sermonis testantur dare fidem, accipere fidem, seruare fidem, fallere fidem. Vsurpatur etiam pro facultate quadam uoluntatis, & habitu seruandi promissa, ut in hoc loco Ciceronis, & apud Lucanum:

Nulla fides pietasq; uiris, qui castra sequuntur.

Item hic, homo antiqua uirtute & fide. Inde quoq; dicitur bonæ fidei possessor, fidei commissum, & infinita alia. In sacris literis habent primam significationem ambo, Græcum $\pi\acute{\iota}\sigma\iota\varsigma$, ut Latinum fides. Obseruabunt hic pueri Etymologiam huius dictio-
nis, quæ est facta pro significatione postrema, contra quam apud Græcos fit in uocabulo $\pi\acute{\iota}\sigma\iota\varsigma$. Est enim dictum $\pi\acute{\iota}\sigma\iota\varsigma$ à $\pi\acute{\epsilon}\iota\theta\omega$, quod significat persuado. Quod ad primam significationem attinet, melius fortasse à uerbo fidere deriuaretur. Quam alij contra fido, sumunt à fides. Vbi tamen res eodem redit, cum fidere non pertineat proximè ad factorum

factorum & dictorum constantiam. Sed omittamus hæc minuta.

Sed iniustitiæ.

Vt res clarius fieret de uitio, quod huic uirtuti contrarium est, aliquid superioribus addere uoluit Cicero. Facit autem duas species iniustitiæ: inferre iniuriam, & non depellere, si possis, ab altero iniuriam. Est enim homo conditus ad hoc, non tātum ut ne alteri noceat, sed ut prosit etiam quo possit mori, aut ratione, salua tamen honestate. Deinde causas harum iniustitiæ partium ostendit tres, Metum, Auariciam, & Ambitionem.

Sed in omni iniustitia.

Duæ circumstantiæ iniuriarum hic proponuntur, & ostenditur utra sit altera maior.

Prætermittendæ autem.

De altera parte iniustitiæ hic docetur, & exponuntur causæ, cur non depellatur ab alijs iniuria, inter quas & hæc Platonis commemoratur, & reprehenditur, quod liceat non attingere Respub. & latere studio quodam ueritatis inquirendæ, neglectis & contemptis honoribus ac dignitatibus. Arbitror autem Ciceronem ad hunc locum respexisse, qui exatualdemagnificus in sexto πολιτικῶν, quem nolui adscribere integrum: τὰν τὰ πᾶν τὰ λογισμῶ λαβῶν ἡσυχίαν ἔχων, καὶ τὰ αὐτῶν πρᾶττον

πράττων, οἷον γὰρ χειμῶνι κονιορτῷ, καὶ ἅ-
λῃς ὑποπνεύματος φερομένῳ ὑπὸ τῆς χιό-
ρος ὑποσᾶς ὁρῶν τὸς ἄλλους καταπιμπλάμε-
νος ἀνομίας, ἀγαπᾷ ἑἴπῃ αὐτὸς καθαρὸς,
ἀδικίᾳς, ὡς ἀνοσίῳ ἔργῳ.

Sed incidunt sæpe,

Quæ nunc sequuntur, sunt uelut occupatio quæ-
dam ad præcedentia. Dictum enim est, iustitiæ fun-
damentum esse fidem, quæ requirit, ut stetur pactis,
et conuentis. Semper ne igitur, posset querere ali-
quis, promissum faciendum est? Respondet Cicero,
non esse faciendum semper, quod promissum sit: et
addit duo exempla, quibus hoc declarat: Ideo autem
furioso gladium, quem sanus deposuerit, non esse red-
dendum, quia generalius sit, et magis proprium, ius-
titiæ officium, neminem ledere, quam seruare pro-
missa et pacta, sicut initio huius disputationis de ius-
titiâ est indicatum: Lesurus autem esset uel se, uel
alios furiosus, si gladius ei redderetur. Exemplum
fabulosum de Theseo et Hippolyto sumptum est
ex Euripidis fabula, quæ inscribitur Hippolytus,
et infra in. 3. libro idem est usurpatum. Sic autem
loquitur apud Euripidem Theseus: ἀλλ' ὦ πά-
τερ πόσειδον ἄς ἐμοί ποτε ἀρᾶς ὑπεχού-
ρης, μιᾶ κατέργασαι τῶν ἐμῶν παίδῶν,
ἡμέτερον ἢ μὴ φύγει τὴν δῖν, εἴπερ ἡμῖν ὥπα-
σας

σας σαφῆς ἀρὰς. Cæterum quod addit, nō seruanda, quæ ex metu aut dolo sint promissa, est infra in tertio libro explicatum, et pertinet hic locus ad disputationem de iure et æquitate, de qua præclare dictū est ab Aristotele: *Διὸ δίκαιον μὲν ὅτι, καὶ βέλτιον τινος δίκαιον ἢ τὸ ἀπλῶς δε, ἀλλὰ τὸ διὰ τὸ ἀπλῶς ἀμαρτάνει* et.

Existunt etiam sæpe.

Fraudem legi fieri dicunt Iurisperiti, quando ad nostram commodū detorquetur ita lex, sicut hic detorqueri ius non scriptum declaratur exemplis duobus apud Valerium Maximum, exemplo cuiusdam Antistitis, et Scipionis prioris, et nonnullis alijs, qui simili uaficie Reipub. cum aliorum incommodis consuluerunt. Est autem fraus uelut parum quiddam pugnans cum iusticia, et cum delinquitur contra æquitatem, nimium, ac in illo magis est occultum studium consulendi suæ utilitati, aut ulciscendi iniuriam habens annexum contemptum iusticiæ in omni genere contractuum, in hoc studium manifestis defendendi iuris aut etiam nimis pertinax iuris defensio coniuncta plerunq; cum ignorantia iuris generalis. Fraus ueteribus dānum etiam simpliciter significauit, unde adhuc dicimus: Est mihi fraudi.

Columella libro primo de re rustica, de summo iure sic dicit: Nec sanè est nobis uindicandum quic

C

quid

quid licet. Nam summum ius antiqui summam puta-
bant crucem. Nec rursus in totū remittendum, quo-
niam uel optima nomina non appellando fieri mala
foenerator Alphius dixisse uerissime fertur.

Sunt autem quædam.

Hic docetur breuiter ita ignoscendam esse illa-
tam iniuriam uel publicè, uel priuatim, ut is, qui in-
tulit iniuriam, à faciendis iniurijs in posterum abster-
reatur, & alij moniti eius exemplo discant iuste fa-
cere, quanquam sit modus quidam in ea re seruandus,
sic enim inquit Mimius: Ignoscere humanum,
ubi pudet, cui ignoscitur. Similis uersiculus iubet
punire iniuriam:

Veterem ferendo iniuriam inuitas nouam.

Idem præcipit Columella, ubi iubet patrem familiâs
non esse nimis sui iuris tenacem.

Atq; in Repub.

Quomodo suæ res, & commoda Rebus publicis
sint tum defendendæ, tum recuperandæ, si fuerint
amissæ, in hoc loco præcipitur. Utendum autē esse
prius contentione forensi, postea, si non possit ius ali-
ter obtineri (nam facit hæc duo genera cōtendendi)
arma capiendæ esse, ita tamen, ut nihil contra huma-
nitatem & ius belli fiat, uictis, & supplicibus par-
cendum esse, ac argumentatur ab exemplo ueterū
Romanorum, qui ius Fæcialium & constituerint
& reliq;

Et religiose conseruauerint. Deinde summa humanitate erga hostes usi sint, adeò, ut etiam rem per se atrocè, uocabulo mitigauerint nōnihil. Veteri enim Romana lingua hostem non perduellem, id est, eum quo cum bellum geratur, sed peregrinum significasse. Prioris præcepti similis extat sententia apud Libanium: πρῶτον μὲν τὰ δίκαια τοῦ λόγου πρῶτον λαμβάνειν, ἀλλὰ μὴ τοῖς ὀπλοῖς ἐπιπυκνᾶν ἀνθρώπων ὄρεον διήπυθεν. Et hæc Terentij: Omnia prius experiri quàm armis sapientem decet. Posterioris apud Euripidem μὴ κτεῖναι τὸν ἐχέτην, ἔ γάρ θεοὺς κτενεῖν.

Cum uero de imperio.

Duo genera bellorum sunt: alterum, quod cum barbaris geritur, in quo non dignitas, aut potentia queritur, sed pernicies hominum: Alterum, quod cum ex cultis hominibus, Et intelligentibus ius, Et æquitatem, ibi de imperio Et dignitate est contestatio, non de uita, aut salute: Hoc est, inter tales homines non est insatiabile odium, cuiusmodi est inter barbaros, qui neque quid leges, neque quid honestas, aut humanitas sit, intelligunt. Ostendit hoc suæ Rei publicæ exemplis Cicero. Et sunt hæc præcedentiæ tantum uberior expositio.

Atque etiam.

Quia bella sunt iuris gentium, ideo seruanda
C 2
sunt

sunt ea, quæ hostibus sunt promissa, ac iure tantope
re laudatur Regulus, non tantum, quod fidem hosti
seruauit, uerumetiam, quia patriæ utilitatem suæ sa-
luti etiam præposuit. Perro uel metus, nel dolus,
uel etiam aliæ causæ possunt aliquando incidere,
propter quas liceat, non facere, quod hosti sit pro-
missum. De latrone alia est ratio, ut infra in 3. libro
disputatur, & huius rerum subtilior, & certior
explicatio ex Aristotelis 3. libro Ethicorū, & scri-
ptis iurisconsultorum, ubi de eo, quod ex metu, aut
dolo promissum est, disputant, petenda est.

Ac de bellicis.

Humanissimum est hoc præceptum de seruis, et
multo humanius, ac rectius, quàm est, quod iuricon-
sulti scribunt: Seruis nullam iniuriam fieri. sed do-
minis, adeò, ut etiam contra eum, qui conuitium fece-
rit seruo, aut pugno eum percusserit, non data sit
actio. Egregie dictum est à Seneca, esse aliquid,
quod in homine licere commune ius animantium uè-
tet, & merito in summo odio fuit Vecliuus Pollio,
atque mille mortibus dignus, ut Seneca loquitur;
quod saginauit murenas seruorum sanguine.

Deinceps ut erat.

Supra Cicero diuisit Iusticiam secundum genus
honestatis in duas partes, scilicet, iusticiam (utitur
enim, ut fit in alijs etiam disputationibus, eodem uo-
cabulo

cabulo pro genere, & specie) & liberalitatem.
Hic itaq; exposita priore parte alterius explicatio
nem inchoat, cuius proprium officium est dare pe-
cuniam, uel ea, quæ pecunia æstimantur, non ut de-
bitum ex aliquo contractu, quibus, quantum, & quan-
do conuenit, non alia de causa, quàm quod deceat,
aut ut Aristoteles loquitur, ὅτι καλόν. Quod si
aliter detur, nõ amplius est uirtus, et hoc est, quod
Cicero hic posuit tria præcepta, quæ cautiones uo-
cat ab eo, quod debeant ista caueri, uelut pugnantia
cum hac uirtute. Sunt autem, ne aut ijs quibus da-
mus, aut alijs noceat quod damus, ne plus, quàm
pro nostris opibus, largiamur. Tertio, ne tribua-
mus alicui contrà, quàm dignus est. Quod hic Ci-
cero dicit, in eadẽ iniusticia esse eum, qui, ut in alios
liberalis sit, alijs nocet, ut si in suam rem conuertat
alienam. Iurisconsulti etiam docent, cum dicunt, fur-
ti speciem esse de alieno largiri: quanquam sine affe-
ctu furandi non committitur furtum. Sciendum est
etiam, & de hac uirtute ab Aristotele paulo aliter
disputari. Non enim facit Aristoteles liberalita-
tem iusticiæ partem, sed peculiarẽ uirtutẽ. Nec est
sanè particularis iusticiæ pars, cū non sit æqualitas,
aut uersetur in iudicijs, quæ peculiaria munera hæc
uirtus habet. Ad generalem iusticiam respexit Cice-
ro, quæ, ut alias oēs, ita hæc etiã uirtutẽ cõplectitur.

Quoniam autem.

Vtilissimum est hoc, & maximè in uita necessarium præceptum: unicuique enim, ut ait Poëta, dedit uitium natura creato. Quare ad multa conuiuendū est, quæ in alijs nos offendunt, si modo, quod maximè debemus facere, uolumus inter nos amicitias retinere, & colere. Quatenus autem sit amicis operanda, & quantum sit eis concedendum, in libello de Amicitia, & infra nonnihil docetur. Ceterum hic locus est natus ex tertio præcepto de liberalitate, eiusque est expositio.

De beneuolentia autem.

In tertio præcepto de liberalitate, secunda pars fuit animus, seu beneuolentia erga nos eius, in quem beneficium uolumus conferre: eam hic Cicero exponit, faciens unam quandam diuisionem, quæ ad alia quoque præcepta huius generis accommodari debet, nempe, quod damus, aut munus esse, aut remunerationem, & ostendit quid in utroque sit faciendum. Est autem hic locus de gratitudine diligenter obseruandus, unà cum hoc generali præcepto Senecæ. Hæc enim beneficij inter duos lex est. Alter statim oblisci debet dati, alter accepti nunquam. Idem præceptum est apud Græcos in hoc uersiculo.

χάρειν λαβὼν μέμνησο, ὁ δὲ δὸς ἐπιλάττω.
Versus Hesiodi ad quos hic respexit Cicero, hi sunt
ὅν μὲν

εὖ μὲν μετρεῖται πρὸς γείτονος, εὖ δ' ἀπο
 δίδουσι.
 εὐτὼ δὲ μέρει, καὶ λείον αἶνε δάμνασι.

Optime autem.

Hæc fuit tertia pars ultimi præcepti de Liberali-
 tate. Prout enim quisq; nobis est aut coniunctor;
 aut alienior, ita liberalius, aut parcius in eum con-
 ferri debent beneficia, & sic dignitas personarum
 in gradibus etiã propinquitatis consideranda est, ac
 pro illius ratione & ordine officia sunt distribuenda.

Recitat autem Cicero uarios gradus humane so-
 cietatis, seu communionis, orditurq; à remotissimo,
 & maximè generali, in quo sequitur iustum ordinẽ,
 qui est à nobis notioribus, ad natura, seu simplici-
 ter notiora. Sunt enim, ut docet Aristoteles, uniuer-
 salia nobis notiora, particularia uerò natura.

Primus gradus & communissimus est omnium
 inter se hominum, quicunq; sint. Secundus inter
 eos, qui sunt in una gente, seu natione. Tertius in-
 ter eos, qui sunt in una ciuitate. Quartus est co-
 gnatorum. Quintus affinium: & in ijs duobus gra-
 dibus sunt etiam alij multi gradus, ut coniuges, libe-
 ri, parentes, fratres, sorores, gener, nurus, socer, so-
 crus, patruus, amita, auunculus, matertera, & mul-
 ti alij in utroq; genere cognationis, & affinitatis, de
 quibus diligentissimè scriptum est à Iuriconsultis.

Sextus est honestorum inter se uirorum amicitia, sic Cicero præfert omni cognationi, & affinitati ueram & honestam amicitiam. Septimus ac postremus est Reipub. uel patriæ, pro hoc ordine sunt collocanda & moderanda officia. Plurimum debetur patriæ, cæteris plus aut minus, pro eo, ac aut ad postremum gradum propius accedunt, aut longius ab eo recedunt. Quod si quis postremum gradum uelit primum appellare, & primum postremum, atq; adeo totum hunc ordinem inuertere, sicut Iurisconsulti faciunt, non admodum errabit, modo rei discrimen teneat. Primo gradui sunt addita præcepta, in quibus exponitur uetus Græcorum prouerbium, πᾶν τὰ τὰ τὸ φίλων κοινόν, Et ostenditur quæ officia debeantur hominibus primi gradus. In fine huius loci monet aliquid de alijs circumstantijs, nec semper hunc ordinem seruari posse ostendit, uerum ista mutari aliquando, & pro personarum alijs rationibus, & pro ratione ipsorum officiorum.

Intelligendum est.

Nunc ingreditur Cicero disputationem de Fortitudine, quæ est tertia pars honestatis, & sic definitur ab Aristotele in tertio libro Ethicorum: Quod sit medium circa timorem & audaciam: sed ipse uicitur plurali numero, πρὸς φόβου, καὶ θάρρους, dicens, id est, circa timores & audacias, facitq; utriusq;

utriusq; duo extrema, quæ uocat excessum, & defectum. Nihil autem aliud uult in tota illa parte suæ disputationis, quàm quod fortitudo sit timere, ubi sit timendum, & non timere, ubi non sit timendū: item confidere, seu bene sperare, ubi sit confidendum, & bene sperandum, Et contra faciendum, ubi recta ratio id postulet, atq; id in omnibus uirtutibus est seruandum, & tota res ad definitionem uirtutis referenda, quæ est in secundo libro Ethicorū his uerbis: *ἔστιν ἀρετὴ ἡ ἀρετὴ τῆ ἐφ' ἣς προαίρετικὴν ὃν μεσότητι ἕστα τῇ πρὸς ἡμᾶς ὠρισμένη λόγῳ, ἢ ὡς αὐτὸ φερόναι ὀρίσκει.* De hac uirtute multa à Platone sunt tractata, cum in alijs locis, tum in Dialogo de fortitudine, cuius titulus est *Laches*, & in. 4. libro de *Repub.* Declarat autem primum Cicero communi hominū iudicio, maxime Poëtarum, & Rhetorum tum utij contrarij dedecus, ac uituperationem, tum ipsius uirtutis dignitatem, ac laudes.

Sed ea animi elatio.

Propius nunc ad descriptionem, seu definitionē uirtutis accedit, non enim tantum in magnitudine animi, id est, in contemptu quodam periculorū uersari hanc uirtutem docet, uerum etiam in despiciētia rerum aliarum externarū, ut est honor, gloria, utilitas, & alia eiusdem generis, nec posse fortitudi-

nem sine iusticia consistere, sed uelut propugnatricem eius esse, ac omnino propter factum ipsum fortiter faciendum esse, nō propter gloriam, aut aliud commodum. Quæ sanè est natura omnium uirtutū, ut seipsæ contentæ sint, non habeant opus aliqua alia re, ad quam perspicere & referre se debeant, id quod eleganter Poëta expressit, cum inquit :
Iudice te mercede caret, per seq; petenda est

Externis uirtus in comitata bonis .

Vtitur autem Cicero ad hoc confirmandum auctoritate Platonis, & multa simul dicit de uirtutis huius difficultate, ac uelut impedimentis quibusdam. Recitantur etiam obiter ambitionis mala, quod uicium dicit plerunq; nasci in magnis animis. Ita hic locus est plena quadam & perfecta fortitudinis definitio, quæ conuenit cum Platonis & Aristotelis definitionibus, quod autem ad duo dicta Platonis, quæ hic citantur, attinet, existimo prius non esse ex uno loco sumptum, sed consutum ex duobus, aut etiam pluribus. Sic dicit Plato in Epitaphio: πᾶσα τε ἐπὶ σήμῃ χωρίζομένη δικαιοσύνης, ἢ τῆς ἀληθείας ἀρετῆς, πανουργία, ὁ σοφία φαίνεται.

Ad hæc uerba puto hic Ciceronem alludere, ac reliquam partem aliunde sumpsisse. Alter locus integer est in Lachete his uerbis: οἷς ὁ δὲ ἄλλο μὲν ἐν τῷ βίῳ, ἢ τῷ τοῦ κατὰ φύσιν ἐπιπλεονεξέειμι

λέγουσιν, ὅτι αὐτὸν μαθόντες ἐπιπιδιδύσκουσιν
 πλεονεκτεῖν τῶν ἄλλων πόδι τῶν πόλεων.
 Loquitur autem ibi de Lacedæmonijs Plato.

Omnino fortis animus.

Post definitionem sequitur diuisio fortitudinis,
 facit enim duas species huius uirtutis Cicero: Altera
 priuata est, & tanquam fundamentum reliquæ
 omnis fortitudinis: Altera publica, & uelut perfectio
 huius uirtutis Priorem etiam hic explicat, affectum
 eius & officia ostendit, nempe fortitudinem debere
 animos hominum ad hoc adducere, ut honestatem
 solam pro bono habeant, & non turbentur ullis
 affectibus, id autem fieri, quando nec expetamus
 ea, quæ, cum non sint, putentur tamen à multis bona,
 ut sunt honores, pecunia, uoluptates, neque metuamus
 ea, sed feramus constanter, quæ iudicantur mala
 esse, ut est dolor, paupertas, exilium, & similia.
 Addit etiam in conclusione huius loci quædam
 singularia præcepta, quod non sit amanda pecunia,
 quis debeat esse usus eius, uitandam ambitionem,
 ac in uniuersum uacandum esse omnibus affectibus,
 atque hoc ex Stoicorum doctrina sumptum est.
 Est etiam hoc sciendum, Ciceronem plerumque hic
 tribuere fortitudini, quæ Aristoteles continentia, aut
 modestia tribuit.

Multi

Multi autem sunt.

De altera parte etiam aliquid tractaturus Cice-
ro, per opportunè hanc quæstionem prius de geren-
da Republica explicauit. Est autem nata ex præce-
dente præcepto, de fugienda gloriæ cupiditate, &
retinenda animi tranquillitate, aut ex eo, quod gene-
raliter dixerat, fortitudinis munus esse despicere ea
quæ uideantur alijs præclara, inter quæ uel præ-
cipuum est gloria. Quare per occupationem hæc ad-
iecta sunt. Reprehenduntur autem ij, qui sine ius-
ta causa abstinent à Reipub. cura & tractatione.
Metuere enim & fugere istos pericula & moles-
tias, quod est contra fortitudinem: Adeo in uicium,
ut ait Horatius, uicij ducit fuga, si caret arte. Ex
hac disputatione colligi debet, alias etiam res exter-
nas ita contemnendas esse, ut ne quid fiat tamen con-
tra ullam uirtutem, & immodicū studium, ac usum
alium rerum uituperari, non moderatum, aut me-
diocre, quamquam sæpe est necessarius. Duo au-
tem hominum genera facit, quibus liceat recedere à
Rebus publicis: excellenter idoneos ad Philosophi-
am, & uoletudinarios, reliquis, si apti sint, uersan-
dum esse in Rebus publicis omnibus modis tradit.
Demum posterioris fortitudinis munus exponit per
comparationem cum Philosophis, quod magis uaca-
re debeant animi perturbationibus, qui præsent Re-
bus publicis

bus publicis, quàm ulli Philosophi, cum non tam uarijs rebus oppugnentur animi Philosophorū, quàm administrantium Respublicas.

Sed cum pleriq̃.

Alia hic quaestio, & quidē difficilis explicatur. Docetur enim res domi & in pace gestas, aut maiorem laudem mereri, aut non inferiorem rebus, foris & in bello gestis. Probatur hoc comparatione contrariorum exemplorum, & argumento à non indigendo sumpto, quod sanè firmum est, ac esset multo firmitus, si omnino urbani Magistratus non indigerent castrensibus. Quanquam enim non opus habuit Solon opera Temistoclis ducis in constituendo consilio Areopagitico, non tamen potuisset fortasse pacem habere, in qua hoc faceret, nisi à superioribus ducibus fuisset parata, aut conseruata, nec tantū in uiribus corporis est posita fortitudo castrensis. Nam sicut fortitudo in priuatam ac publicam diuisa est supra, ita potest diuidi publica in urbanam et castrensem, & quæ est illarū ratio inter se, eadem inter has est ratio, & uidetur ad hoc Cicero hic respexisse, nec potest altera in uniuersum altera carere. Probat hoc suo exemplo defendens unā quoddam suū de hac re dictum, & testimonio Pompeij. Item ab eo, in quo est fortitudo. In fine dicit etiam de causa bellorum, & repetit multa ex superioribus de officijs

officijs fortitudinis. Caterum sicut in hoc loco Cicero laudat urbium in pace regendarum uirtutem, & res domi gestas, præfertq; uirtuti militari, & rebus contra hostem gestis, ita præfert militarem uirtutem & res, non tantum urbanis, uerum etiã alijs omnibus uirtutibus, in oratione pro Murena magnificis uerbis, quæ hic recitare uisum est. Sunt autem: Ac nimirum, dicendū est enim quod sentio, rei militaris uirtus præstat cæteris omnibus. Hæc nomen populo Romano, hæc huic urbi æternam gloriam peperit, hæc orbem terrarum parere huic imperio coëgit, omnes urbanæ res, omnia hæc nostra præclara studia, & hæc forensis laus, & industria latent in tutela ac præsidio bellicæ uirtutis, simul atq; increpuit suspicio tumultus, artes illico nostræ conticescunt.

De euertendis autem.

Pars quædam prudentiæ est, in expugnationibus ciuitatum non se, aut suos in periculum præcipitare: iusticiæ uerò, non seuire in uictos, uelut in pecudes, sed parcere innoxie plebi, & autores iniuriarum tantū punire, ad quod imperatoribus cum uariè sæpe irritentur, opus est etiam fortitudine ad reprimendā iracundiam, id hic Cicero monet obiter: quod autem non sint temerè suscipienda pericula, sed pro eo, ac deceat, fortitudinisq; ratio requirat, & non

Et non, nisi aliter non possit rebus consuli, pulchrè expressit medicorum exemplo, ac ita quidem, ne piscemur aureo hamo, ut dicitur, aut quod Thucides simili figura dixit: Argenteo uomere aremus, id est, ne minus sectemur, quàm hoc est, cuius periculo illud facimus.

Periculose autem.

Suprà dixit considerandum esse, ne quid in euer tendis diripiendisq; urbibus temerè aut crudeliter fiat, & de altero breuiter explicauit, de altero, quod est fieri temerè, incepit explicare. Significat enim ibi temerè, periculose, & refertur ad expugnantes. Crudeliter, notæ est significationis, & refertur ad eos, qui sustinent expugnationē, nec separandi sunt hi loci. Nunc addit periculorum duas diuisiones. Sunt enim uel publica uel priuata, & hæc quidem aut de uita, aut gloria, aut alijs bonis. Ea quo ordine & ratione debeamus adire, docet hic Cicero, ac reprehendit eos, qui Reipublicæ priuatam gloriam, aut uulgi fauorem præferunt. Et contrà laudat eos, qui fecerunt diuersum, idemq; ad res urbanas accommodat.

Omnino qui Reipublicæ.

Plato in sua disputatione de Repub. docet, Politicæ artis, seu facultatis proprium officium esse, tantum spectare, & quærere salutem, & commodum omnium;

omnium ciuium, non aliter, quàm faciant reliquæ omnes artes. Id enim curare solum, & propriè unā quanq; ad quod destinata sit, non suum commodum querere, sed alienum. Idem hic Cicero præcipit. Quia uerò iusticia maximè necessaria est uirtus in ciuitatibus, non debent aliqui tantum curari ab ijs, qui regunt eas, sed omnes æquali quodam iure. Secus autem plerunq; in Republica fieri, & alios plebi se iungere, alios potentioribus, alios cognatis, alios amicis: ita ut alios aut negligant omnino, aut non consulant eis, ut debebant, res ipsa testatur.

Miserrima est omnino.

Supra bis de ambitione dictum est, quod uitari debeat, hic idem repetitur, & adduntur duo alia præcepta, cum his cognata. Prius est non habendos pro aduersarijs, qui nobiscum de administratione Reip. contendant, & utitur ad hoc Platonis quodā dicto, & exemplo Aphricani superioris, & Metelli Macedonici. Addit hoc etiam in sua disputatione Plato, si esset aliqua ciuitas, in qua boni uiri essent, ita inter se certaturos eos, ne præessent, sicut nunc certent, ut præsent. Et debet hoc referri ad illud, quod in præcedente capite est annotatum ex Platone de proprijs politicæ & aliarum artium officijs. Posterius præceptum est de officio principum in libera Republica erga suos ciues, cum in admitendo
ad collo-

ad colloquium de rebus suis, tum in tractandis eis, quando aut non in tempore uenerint, aut per imprudentiam aliquid interrogauerint.

Omnis autem & animaduersio.

Est iustitiæ poenam æquare cum peccato, humanitatis & mansuetudinis est poenam mitigare, crudelitatis, poenam augere. Sic itaq; faciendum est, ut uideamur potius in puniendis fontibus, si medium non possumus tenere, ad id, quod parum est, quàm ad id, quod nimium est, accedere, nec impediri ullis affectibus ab hoc medio recedere. Atq; id, in hoc loco prolixè docet Cicero. Maxime autem oppugnât rationem, ira & res secundæ, quare ibi singularis cura debet adhiberi. Nam (ut Minus inquit) fortuna, quem nimium fouet, stultum facit. Item Ouidius.

Nec facile est æqua commodamente pati.

Illustrat hunc locum Cicero exemplis Socratis, Lælij, Philippi, Alexandri Macedoniæ regum, & Scipionis insigni quodam dicto per similitudinem. Insertum est etiam aliquid de ueris amicis, & adulatoribus. Item repetuntur quædam de duplici genere hominum, Politico & Oeconomico. In fine traditur præceptum de paranda re familiari, atq; sic finitur tertia pars disputationis de honestate.

Sequitur ut de una.

De quarta parte honestatis inchoatur hic dispu

D tatio

tatio. Vocatur autem illa apud Latinos propriè
 temperantia, uel continentia. Græci cum σωφρο-
 σύνη, tum ἐγκράτειαρ appellant, & est eius
 officiū coercere uoluptates, & dolores mitigare,
 hoc est, medium seruare in uoluptatibus & dolori-
 bus, corporis tamen, & alio modo, quàm fortitudo
 facit, ut docet Aristoteles in septimo libro Ethico-
 rum. Cicero admiscet etiam huic uirtuti multa de mo-
 do, qui est in dictis, & gestibus, ac motibus corporis,
 quæ uirtus apud Aristotelem distincta est à tem-
 perantia, & uocatur propriè meo iudicio, modestia
 apud Latinos, apud Græcos ἐνχημοσύνη. Est &
 hic Cicero ut ferè ubiq; magis quàm alios, Platonē
 secutus, qui reliquarum uirtutum ueluti speciē quan-
 dam, aut ornatum, & conuenientiam facit tempe-
 rantiam. κόσμος πρὸς τὴν ψυχὴν ἐγὼ ἢ σωφρο-
 σύνη, inquit, ἐστίν, ἢ ἡδονῶν τινῶν, καὶ ἐπιθυ-
 μιῶν ἐγκράτεια, ὥς φασιν. Et in eodem libro ali-
 quāto post: τί δὲ σωφροναὶ; ὃ τῆς φιλίας, καὶ ζυμ-
 φωνίας τῆς αὐτῶν τελευτῶν, ὅταν ᾖ, τὴν ἀρχὴν,
 καὶ τῆς ἀρχομένης ὁμοιοῦσιν, ὥς δὲ αὐτῶν ἀρ-
 χὴν τὸ λογιστικόν, καὶ μὴ σασιαζώσιν αὐτῶν.
 Commode uidetur mihi hoc omnino dictum esse, nec
 Cicero frustra Platonem esse secutus, cum nec iusticiā
 possit esse, nec fortitudo, sine quadam uel temperan-
 tia, uel moderatione, quā Plato uocat etiam ἀρ-
 μονίαν.

ἀνὴρ, atq; ita esse inueniet haud dubiè, qui de hac
 re paulò tantum diligentius cogitauerit, ac nullo
 modo sic abijcienda est Platonis Philosophia non
 modo Ciceronis exemplo, sed multorum aliorum, etià
 in Theologia principum, sicut uidetur obiter eum
 inspicientibus aliquando. Sed harum rerum subtì-
 lior disputatio ex ipso Platone & Aristotele est pe-
 tendà. Cicero quoq; de hac uirtute in alijs plerisq;
 locis docet, nusquam tamen copiosius, & accurat-
 ius, quàm in. 3. lib. Tusc. quæstio. uerum, ut redeam
 ad institutum, Cicero facit initio huius loci duas par-
 tes decori: Alteram generalem, alteram specialem.
 Generale decorum est idem, quod ipsa honestas, aut
 uelut splendor quidam, & lux honestatis. Specia-
 le est singularum uirtutum lumen, & harmonia,
 quæ in postrema parte honestatis serè oculis & au-
 ribus deprehendi potest. Quod autem Cicero sepa-
 rat honestum à decoro, uidetur sumptum esse ex Pla-
 tonis Hippiâ, ubi hæc etiam quæstio prolixè agita-
 tur: ac potest intelligi sententia Ciceronis ex dua-
 bus similitudinibus, quibus ipse usus est, & alijs,
 quæ multæ fingi possunt, ut sonus & proportionēs
 in Musica non possunt re uera separari, non tamen
 idem est sonus, quod proportionēs. Sed sonus est tan-
 quam accidens, quod nō potest à proportionibus se-
 parari: Et unitas non potest absq; imparitate esse,

D 2 aut binā

aut binarium absq; paritate. Non tamen idem est imparitas, quod unitas, aut paritas, quod binarium. Item sicut figuræ & magnitudines à corporibus in genere nō possunt seiungi, aliud tamen est ipsa corporum substantia, aliud figuræ, & magnitudines, aut sicut omnino forma non potest esse absq; materia, in rebus naturalibus, nec tamen est forma id, quod est materia, ut Philosophi docent, ita hic etiam honesti uelut forma quædam decorum est: sed nihil est opus hac subtilitate, & Aristoteles pro eodē ubiq; nisi fallor, καλὸν usurpat. Verum idem prorsus apud Latinos decorum esse cū honesto, uel inde apparet, quod decorum, cui respondet græca uox καλόν, proxime naturam uocis καλόν, quod honestum significat, exprimit. Non enim ut Socrates apud Platonem argute ratiocinatur, quod uidetur tantum, & simpliciter uidetur, decorum est, sed quod uidetur sapienti, & prudenti. Nam de honesto & decoro, quatenus ad nos refertur, hic est disputatio, non de eo, quod simpliciter, & per se prorsus est honestum, quæ uox est ab honore facta, & significat, quod dignum est honore, & eatenus ad aliquid dicitur. Aristoteles τιμιόν appellat, omnino simili dictione. Notum autem est, quod honor sit premium uirtutis. Porro quod de Poëtico decoro additur, est uelut probatio quædam specialis decori

decori, & unà ostenditur discrimen inter hoc decorum, & id quod Poëtæ habent. Poëtarum autem decorum, est oratio cuiq; personæ conueniens pro sua natura, & moribus, & conditione. Id sic describit Horatius :

Intererit multum Dauius ne loquatur, herus ne.

Et in eodem opere.

Respicere exempla uitæ morumq; iubebo.

Doctum imitorem, & ueras hinc ducere uoces.

Decorum hoc Philosophicum est id, quod conuenit cum unaquaq; uirtute, & uel intelligi ab hominibus sapientibus, & prudentibus potest, uel percipi etiam sensibus. Quanquam, si quis uelit rem diligentius intueri, inueniet, inter hoc decorum & Poëticum nihil interesse aliud, quàm quod interest inter ueritatem practicam, & ueritatem contemplatiuam. Tota enim res in Poëmaticis est imitatio, & nisi congrueret sermo cum personis, fieret contra ueritatem. Veritas autem maximè est secundum naturam, & tam debet Poëta seruire huic decoro, quàm debet Historicus rem (ut sit gesta) exponere. Exempla de hoc genere decori in Ciceroni sunt adscripta.

Officium autem.

Sicut suprà demonstratum est, officium esse honestatis, secundum naturam facere, ita hic de genera

D 3 li decoro

eis utendum, & qui sint laudabiles, qui non sint laudabiles. Sunt enim ludi uelut requies quædam, de quibus egregiè dicit Aristoteles: *δοκῆι δὲ καὶ ἡ ἀνάπαυσις, ὅτι ἡ παύσις ἐν τοῖς βίω ἀναγκαῖον*. Et Ovidius:

Quod caret alterna requie durabile non est,

Hæc reparat vires, fessaq; membra leuat.

Loquitur autem adhuc de uirilibus ludis, ut sunt curules, equestres, scenici, gladiatorij, quæ spectacula etiam & munera uocantur, uenationes, & similes. De Iocis est apud Aristotelem in quarto libro Ethicorum.

Sed pertinet ad omnem.

Aliud præceptum hic additur: Cogitandum nobis hominibus esse, quæ sit propria uis nostræ naturæ. Est autem duplex illa, *θεωρητικὴ*, & *πρακτικὴ*, quarum est præclara comparatio in ultimo libro Ethicorum. Appetitiones, ut dictum est, sunt communes pecudibus nobiscum, inde colligit aliud præceptum Cicero, Aut non esse dandum aliquid uoluptatibus corporis, aut sic dandum, ut hoc modeste & rectè faciamus, omnemq; uitam secundum illas partes, quæ sint nostræ naturæ propriæ, consumendam esse, quantum possit fieri, & certè ad hoc esse connitendum summis uiribus. De refrenandis aut & moderandis corporis uoluptatibus dicit:

Quia sunt etiam uoluptates animi, quæ, ut honestæ, ita maximè sunt licitæ, ut gaudere propter honestè actam uitam, aut inuentam aliquam artem, ac adeò quidem non sunt prohibitæ hæ uoluptates, ut Aristoteles in quodam loco scribat, quod sint bonum per se expetendum, & quod quidem perficiat uirtutes: nec aduersatur hoc religioni Christianæ, si absit utrunq; genus contemptus, Dei & hominum, agnoscamusq; à Deo nos hæc bona, quæ habemus, habere, non autem ex nobis, aut à Fortuna. Quanquam huius rei causa præcipuè debemus leti esse, quòd, ut Christus inquit, nostra nomina in cœlo scripta sint.

Intelligendum est etiam.

Valde ornant hanc disputationem, quæ sunt addita hic de ingeniorum & naturarum diuersitate, ac magis quidem Rhetoricè, ac Politicè, quàm Philosophicè, si ipsam honestatem & eius partes exactè consideres. Non enim aliter concedi potest Ciceroni, pati imperium Cæsaris aliquibus potuisse non turpe esse, cum Catoni fuerit turpe. Sicut enim constantia & æquabilitas decet omnes homines, ita oēs decuit aut dedere se Cæsari, aut non dedere. Et pertinet hoc genus decori magis ad Poëticum decorum quàm ad Philosophicum: nec est per se decori, sed quia est in hac aut illa persona, etiamsi mala sit, &

mores

mores eius corrupti. Nam idem est decorum, quod honestum. Et honestum per se non ex uarietate personarum, nec alium alio magis, aut minus decet agere, uel secundum totam honestatem, uel secundum eius partes, quanquam interim non eadem omnes decent. Atque hoc est aut ex rebus quæ aguntur, aut ex personis, quæ agunt. Et personæ quidem ex ætate sunt potius & uitæ conditione, quam ex moribus æstimandæ. Mores enim sunt illud ipsum, quod malum est, aut bonum, hoc est, uirtutes ipsæ, aut uitia. Res autem faciunt, ut alios deceat eas agere, alios non deceat, quando sunt mediæ, & nec turpes, nec honestæ per sese, ut est nauigare, uxorem ducere, ædificare: & quanquam hæc per se mediæ sunt, tamen additis circumstantiis sæpe fiunt non mediæ, ut Regi non uxorem ducere, quando hæres deest regno, & cætera sunt paria, nõ est liberum. Nutrire autem liberos non est medium, quia nunquam nõ debent nutrirî. Et talia quidem ad uirtutes proximè pertinent. Nunc si parere Cæsari per se, & simpliciter turpe esse iudicauit Cicero, non debuit ullæ personæ ratio hoc mutare, sicut nulla personæ ratio, aut nulla alia circumstantia debet facere, ut non agamus honeste, aut secundum uirtutem. Si autem uoluit seruitutem esse rem per se mediā, sicut egrægie docet Plato in quadam Epistola: δὲ δὲ λίσσας γὰρ

καὶ ἐλευθερίᾳ ὑπεβάλλουσα, μὴ ἑκατέρᾳ
 πάγκορον, ἡμετέρος δὲ ὅσα πανάγαθον;
 fuit non tradere se Cæsari liberum, uerum non tan-
 tum Catoni, sed etiam alijs, & ne quidem hoc modo
 persona ex moribus sumpta ius habuit mutandi rem
 mediam in rem non mediam, id est, facere non liberū
 quod fuit liberum. Sed non illa exacta ratione dispu-
 tat hic Cicero de officijs, ut sub initium operis ipse
 ostendit, nec ego Ciceronem reprehendo, sed osten-
 dere uolui, quomodo possit & fortasse debeat de hac
 re disputari secundū Aristotelis doctrinā. Præterea
 quod hic Cicero de Socrate dicit, simulatōrē eū fuisse,
 expositū est ab Aristotele in: 4. lib. Ethicorum,
 ubi εἰρωνεία & ἀλαζωνεία inter uitia ponit.
 Et est propriè εἰρωνεία dissimulatio, ἀλαζωνεία
 simulatio: atq; alterum pugnat contra uerum, al-
 terum pro falso, & hoc illo minus prope ad medium
 accedit. Cicero in secundo libro de Oratore uocat
 εἰρωνείαν tum simulationem, tum dissimulantiam,
 & numerat inter ornamenta orationis, dicitq; talē
 etiam Africanum fuisse apud Romanos, qualis fuit
 apud Græcos Socrates. Nec multo aliter Aristoteles
 docet. De Epigonis Tragœdia facit etiam Cicero
 mentionem in libello de optimo genere Oratorum,
 & utitur hac uoce Pausanias nō pro fabula, sed pro
 filijs interfectorum in bello Thebanorum.

Ac dua

Ac duabus his personis.

Duplex est hominum natura, Generalis & Specialis. Altera est omnibus inter se communis, & est quod ad hanc disputationem attinet, omnes homines ad uirtutes intelligendas, & secundum illas agendū esse conditos. Altera est ad hanc aut illam uirtutem aut uicium esse magis propensos natura. Secundum priorem decorum seruare, est simpliciter honestè facere: secundum posteriorem, est pro singularis naturæ modo, aut suorum cuiusq; morum ratione honestè facere. Id quomodo sit intelligendum, antea dictum est. Cicero uocat has naturas personas, & in proximo capite sunt expositæ. Nunc addit illis alias duas, quæ uerè habent hanc uim, ut mutant honesti rationem in actionibus, rerum tamen mediarum, sicut habent omnes circumstantiæ. Quanquam autem regna, imperia, nobilitates, & similes res à fortuna magis nobis obueniunt, quàm à uoluntate, aut studio nostro, & aut Philosophiam discere, aut merceduram exercere, aut alias artes, aut studia tractare, in nostro magis positum est, quàm in fortunæ arbitrio. Non tamen hoc fit sine fortuna semper, & illud sine uoluntate, adeoq; utrunq; ex magna parte in utroq; est, aut potius in omnibus, de quibus est aliqua deliberatio, quod eleganter hic ueteris Poëtæ uersiculus indicat:

τέχνη τύχῃ ἐσφριε, ἢ τύχῃ τέχνῃ.

Sed potissimum est, ac præcipuè considerandum, quod hic iubet Cicero fieri in eligendo uitæ genere, suam cuiq; naturam adhibendam esse in consilium in hac re deliberanda, & deliberandum esse cum summa cura, ad quod pulchrè quadrat hoc dictum:

Deliberandum est diu, quod statuendum est semel. Deinde non mutandum esse, nisi ex iusta & magna causa, & quidem non subito. Præterea, ut hoc ego addam, non ex quouis in quoduis transeundum, sed quantum res patitur, in cognatū, ne fiat Metamorphosis Poëtica magis, quàm Politica, ut fortasse conuenientius est ex mercatore, aut Philosopho agricolam fieri, quàm ex mercatore Philosophum, aut econtrâ. Adiecta est etiam occupatio de imitatione parentum, non esse uitia imitanda, sed uirtutes parentum. Est enim ea uel stultitia, uel pigritia, uel peruersitas hominum, ut citius non tantum parentum, sed aliorum etiam, qui sunt in administratione uitia, quàm uirtutes imitentur. Et uerum est, quod dicit Horatius:

Decipit exemplar uicijs imitabile, quod si
Pallerem casu, biberent ex angue cuminum.

Et talis fere est adulatorum natura.

Est igitur adolescentis.

Omnes eruditorum & sapientum libri pleni sunt
re sunt

re sunt his uocibus, ut minores natu colant, & obseruent maiores natu, ab hisq; discant uirtutes, & honestas artes, Quia ut est in Græco uersiculo,

γυνῶμαι ἀμείνους εἰσὶ τῷ γεραστέρω.

Et ut Aristoteles ait :

οἱ νέοι ἀπὸ τοῦ κατὰ τὸν βίον πράξεω.

Sed ut est officium hoc adolescentiū, ita senū est sapere, docere, consulere, monere, gubernare, sicut hi etiam uersiculi Ouidij suauiter indicant in 6. Fasto.
Hæc dare consilium, pugnare paratior illa est,

Hæc ætas bellum suadet, at illa gerit.

Quod tamen sic intelligendum est, ut discere non sit turpe seni etiam à iuvene, aut adolescente, si, ut sæpe fit, minus sapiat, quàm minor natu. Inueniuntur enim, qui nullum habent argumentum, quo probent se diu uixisse, præter ætatem, ut Seneca inquit, & pulchrè Aristoteles monet, ubi ait : διαφέρεται δ' ὅθεν νέος τὴν ἡλικίαν, ἢ τὸ ἥθος νεαρός.

Item pulchre monet Græcorum prouerbialis uersiculus :

πολιὰ χρόνον μῆνυσις ὁ φρονήσεως.

Additæ sunt hic etiam aliæ circumstantiæ conditionis, quod sit Magistratum, quod priuatoriū, quod peregrinorum officium.

Sed quoniam decorum.

Sub initium huius disputationis de quarto genere honesti

re honesti ostensum est, Ciceronem coniungere temperantiam cum modestia, & pro una eademq; uirtute illas habere, quæ sunt in Aristotele distinctæ uirtutes. Hactenus tractauit tum de temperantia, tum etiam de modestia, posthac tantum de modestia docebit, excepto eo, quod de formæ pulchritudine interponit. Hæc enim aliud quoddam genus boni est, nec situm ualde in nostra potestate. Vtitur autem initio propositione per quandam diuisionem, in qua dicit, in quot rebus & cernatur, & uersetur decorum. Statim deinde explicat partem eorum, quæ proposuerat, nempe, de factis, & dictis, quod nihil sit aut faciendum, aut dicendum contra naturam, seu quod aures, aut oculos honestorum hominum offendant: atq; ostendit hoc uelut exemplis quibusdam, cū præcipit de tegendis membris à natura occultatis, & de uitandis obscænis dictis. Non enim hæc tantum pertinent ad decorum in dictis & factis, sed multa etiā alia. Præterea quanquam in principio fecit distinctas modestiæ partes, non tamen prorsus seruat nec ordinem præscriptum, & cum ex superioribus pleraq; repetit, tum, quæ aliarum partium sunt, alijs partibus aspergit, ut hic non tantum de factis, & dictis, sed de motibus etiam corporis loquitur. Item in principio de formæ quadam ratione.

Cum

Cum autem pulchritudinis.

De pulchritudine formæ, seu figuræ humanæ, et ornatu, ac gestibus corporis hic præcipitur. Reperit quoq; de motibus animi nonnihil ex præcedentibus, ut rationi pareant tam uoluntas, quàm appetitiones. Pulchritudo autem, cum sit duplex, altera uirilîs, altera muliebris, utriq; suus ornatus est tribuendus. Ad quam rem multum ualeat tum iudicium tum comprobatio bonorû uirorum, tum etiam consuetudo. Videmus enim non tantum eodem tempore alios homines, sed eosdem etiam homines alio tempore alium uestitum decere. Atq; est quidem in hac re propemodum infinita uarietas, facilis tamen distinctu etiam oculorum iudicio.

Et quoniam magna uis orationis est.

Quod non eodem modo sit loquendum in foro, & uel in disputationibus, uel in congressibus familiaribus, nec tantum huius rei iudicium & curam ad artē pertinere, sed etiā ad mores, nemo ignorat. De hoc itaq; discrimine hic aliquid indicat Cicero. Nam in alijs libris tum hoc discrimen, tum alia multa solent explicari copiosius. Et quidem tantum indicato genere altero, quod contentionem uocat, de altero præcipit. Primum qualis debeat esse uox, & unde sumi debeat. Utitur ad hoc declarandum alia
quot ex

quot exemplis. Deinde ut sermo sit plenus, non uehemens, aut pertinax, utq; sermonem cum alijs communiceamus, quem Plutarchus etiam docet communem esse debere, ut sunt communes cibi & potus. Tertio, ut accommodetur sermo rebus, de quibus habetur sermo. Quarto, ne corruptos esse mores demonstret. Quinto, ut intra suos limites uersetur, aut referatur ad eos, ubi digressio fieri coeperit. Sexto, ut in loquendo non commoueamur animo. Septimo, non utendum esse obiurgationibus, nisi cū necessitas postulet, & quomodo obiurgandi sint homines. Octauo, quomodo sit respondendum etiā ijs, qui sunt nobis inimicissimi, & à quibus nobis sunt facta conuicia. Nono, fugiendam esse iactantiam, quæ sanè certum est stultitiæ signū, & cognata cum eo uicio, quod paulò ante ἀλαζωνία ex Aristotele appellauimus.

Et quoniam omnia persequimur.

Non minus modus non seruatur in ædificando, quàm in reliquis rebus ad uitam necessarijs. Quod uitium adeò fuit apud Romanos magnum, ut C. Cæsar, sicut Plinius scribit, solum foro extruendo emerit mille ducentis sestertijs, hoc est, triginta millibus aureorum Gallicorum. Milo habitauerit in domo centum quadraginta septem millibus sestertijs empta, quæ summa facit Gallicæ monetæ trities sexies centena,

centena, & septuaginta quinque millia aureorum. Quod merito Plinius addit mirari se, ut regum insaniam, & inter prodigia humani animi habere, quod postea Milo debuerit septingenta millia sester tia, quæ sunt Gallicorum aureorum centies septuagies quinquies centena millia. Itaque hic Cicero etiã ostendit, qualis debeat esse domus clari & excellentis ciuis, nempe, non tantum ad usum, uerum etiam ad dignitatem ædificata & splendorem. Et tamen existimandum esse, quod domus sine uirtutibus parum ornet uirum, sed domum potius ornare uirum. Præterea liberalitatem, & munificentiam in tali domo debere esse, nec magnorum uirorum splendida ædificia relictis uirtutibus imitanda esse. Cæterum M. Scaurus reprehenditur ob eandem rem in 36. libro Plinij.

In omni autem.

Generale præceptum est hic additum ad præcedentia, quid sit faciendum in omni actione. Est autem diuisum in tres partes, quarum tamen duæ posteriores recte sub prima cõprehenduntur. Ea est, ut quicquid agimus, agamus sic, ut affectus, seu appetitiones non præcurrant rectæ rationi, sed ei pareant, hoc est, ut medium seruetur, aut quod idem est, secundum uirtutem agatur.

E

Deinceps

Deinceps de ordine rerum.

Ordo fuit una de partibus decori, seu modestie antea propositis. De illo nunc sic docet Cicero, ut ostendat eum adhibendum, & retinendum esse in omnibus actionibus. Quantum autem habeat momenti, et quod non eadem pariter sint omnibus apta, ut inquit Propertius, sed alia conuenire alijs, & alio tempore ac loco alia conuenire, & in summa, rationem officiorum uarie mutari circumstantiarum ratione, supra monitum est aliquoties. Docet etiam hic Cicero maiorem curam in effugiendis peccatis exiguis adhibendam esse, quam in magnis, quod hæc possint facile iudicari, illa non statim cernantur. Atque ita hoc de intelligendo, aut præcipiendo magis quam de faciendo accipi debet. Minus enim magna peccata fieri debent, quam parua. Vsurpauit ibi perbellam similitudinem, & unum argumentum ex minore. Deinde præcipit ex alienis uicijs debere nos nostra emendare, cum facilius aliena, quam nostra cernamus, quod sic Persius dixit:

Vt nemo in sese tentat descendere, nemo,

Sed præcedenti spectatur mantica tergo.

Postea iubet nos adhibere doctos homines iudices in ijs rebus, de quibus dubitamus, diligenterque obseruandum esse, quid quisque de nobis, & cur dicat, & sentiat, uelut artifices facere solent. Notum autem est, quod

est, quod de Apelle Plinius scribit. Additum quoque est per occupationem, non licere contra ciuilem consuetudinem facere, aut dicere alijs, etiamsi hoc fecerit Socrates, aut alius aliquis excellens uir. Damnat etiam Cynicorum impudentiam iterum, et docet præclaros, et honestos uiros in Repub. obseruandos, et colendos, ac rationem et delectum in personis habendum esse. Atque omnino hoc studendum, ut conseruetur communis societas. In initio autem huius loci explicat tantum uocabulum (Ordo) bene multis uerbis, ubi subtiliter uocabulum etiam (Modestia) ad Græcam uocem (εὐταξία) accommodat. Et ex Stoicorum doctrina ordinem refert tantum ad temporis circumstantiam, et eum quidem locum appellat ex quadam similitudine, quam habet ordo actionum cum debita collatione partium totius alicuius, quæ Græcis harmonia dicitur. Quamquam alioqui hæc uox, locus aliquando pro tempore, aut occasione, quæ est pars quædam, uel qualitas temporis, uidetur magis usurpari, quam pro eo, quod propriè, et in Philosophia significat, ut cum dicimus: Non est nunc locus disputandi. Et apud Terentium: Video eos in loco uereri. Certè si non significatur tempus in talibus orationibus, mixtum tamen quiddam ex tempore et loco significatur, cum uocabula occasio et tempus in iisdem orationibus

nibus poni possint. Idem accidit in dictione (*Spatium*) quæ, quanquam magna ex parte locū significat, tamen pro tempore usurpatur manifeste. Est itaq; ordo in hoc loco harmonia quædam, seu conuenientia, seu ratio in dictis, factis, & omnibus corporis motibus. Et hæc conuenientia non tantum ad tempus debet referri, sed etiam ad locum, personas, modum, & alias omnes circumstantias. Quamprimum enim aliquis ab illarum aliqua dissentit, non amplius est decorū, & ordo, sed cōfusio & indecorū.

Porro quod sequitur, modestiam esse scientiam, ex Platone est sumptum, qui in plerisq; locis uirtutem scientiam esse docuit. Ideo addidit etiam obiectionem de Prudentia, quæ si est tantū scientia Modestia, prorsus nihil aliud à Modestia differt, quàm quod differt totū à parte, aut genus à specie. Vtraq; enim uersatur circa ea, quæ sunt hominibus bona, & tamen latius patet Prudentia, quàm Modestia. Multo expeditior est Aristotelis doctrina qui posuit Prudentiam in Intellectu, & statuit eam inuentricem & gubernatricem uirtutum: Virtutes uero in appetitu, & uelut ministras prudentiæ, quanquā intellectum à uirtutibus non separauit.

Iam de artificijs.

Quæ artificia & quæstus sint liberales, qui sint illiberales, hic exponitur: Quod sic debet intelligi,
non

non omnes quidem artes sordidas inhonestas esse, (nam illiberalem in hoc loco, quiddā multo melius est, quā inhonestum) sed non conuenire hominibus bono loco natis, & ingenuis. Sicut enim aliarū rerum non omnes omnibus conueniunt, ita artificiorum, & quæstuum non omnes conueniunt omnibus, cuius quidem rei disputatio ad iusticiam distributiuam quoq; & fortasse rectius, quā ad modestiæ locum aptari poterat, quanquam paulo aliter, & ab solutius Cicero hic de artibus disputauit.

Sed ab his partibus.

Hæc est secunda pars eorum, quæ in toto opere tractantur, nempe, honestatis partium inter se comparatio. Præfert autem Cicero iusticiam reliquis omnibus uirtutibus, & probat recte se hoc facere quatuor maximè argumentis. Primum est sumptum à natura hominis, quod homo sit natura πολιτικόν ζῷον, quemadmodum etiam Plato & Aristoteles docent. Secundum à definitione sapientiæ, quæ cum sit princeps omnium uirtutū, & Deorum ac hominum communionem quandam, quæ nihil aliud est, quā usus quidam rerum secundum iusticiam, in se complectatur, esse iusticiam etiam cognitioni & prudentiæ præponendam. Tertium ab ijs, quæ communiter fiunt inter homines, & communiorum iudicio, quod omnes putent, sibi potius

hominem conseruandum esse, quàm res maximas cõ-
templandas. Quariũ à fine contemplationis, illam
etiam referri ad communem hominum utilitatem.
Habet hoc argumentum suam conclusionem, in qua
respondetur ad obiectionem quandam eorum, qui
fenserunt homines consociari propter necessitatem
uitæ, quod nõ sint homines congregati à natura, ut
quererent res necessarias ad uitam, & inter se aliq-
quos iuuarent, sed ipsos hoc facere ex sua quadam
industria, nec sanè hominem solum, sine adiunctio-
ne aliorum & societate amaturum uitam, etiamsi
abundaret omnium rerum necessariarum copijs, &
subtilissima contemplatione. Definitiones sapien-
tiæ & prudentiæ, quæ hic sunt positiæ, non procul
ab Aristotelis definitionibus discedunt. In reliqua
disputatione uidetur paulo longius ab Aristotele
discedere Cicero, & sic possunt, ut opinor, conciliari.
Iusticiam quidem principem esse uirtutum mo-
ralium, quod etiam Aristoteles sentit, & propterea
hestero eam uirtutem & lucifero dicit esse admira-
biliorem, atq; officia, quæ ex hac uirtute manant,
contemplationi quoq; & prudentiæ anteponenda,
si opus sit. non tamen ideo præstantiorem, & nobis
liorem esse rem iustitiam, quàm sapientiã. Ita enim
& aliarum rerum non statim necessaria est, quæ est
preciosissima, ut aurum multo est preciosius ferro,
non ta

non tamen ferro magis necessarium est, nec debet in usu aurum præferri. Quare autem Sapientia præcellat iusticiam, in ultimo libro *Moralium Aristotelis*, qui uult potest legere. Non omnia etiam conueniunt cum *Aristotelis* doctrina, quæ hic tradita sunt de causis congregationis hominum. Sed hoc aliàs explicabimus.

Illud forsitan.

Suprà comparatæ sunt inter se uirtutes omnes, hic tantum iusticia cum Modestia confertur. Est autem hoc intelligendum de speciali iusticia, non de generali. Fecit enim *Aristoteles* etiam generalem iustitiam, quæ accommodatur æqualiter ad omnes uirtutes, quarum est uelut domina, uel genus quoddam. Cæterum quando sit iustitia præferenda Modestiae, aut contrà Modestia iustitiæ, in usu, aut experientia disci debet: nec est adeò difficile iudicare hæc uiro bono, utra, si alterutra sit omittenda, cum maiore turpitudine omittatur. Ideo etiam

omisit Cicero *Panætij* exempla.

E 4

Commen

C O M M E N

TARIA SECUNDI

libri de Officijs.

Quemadmodum officia.



Icero in hac præfatione duo præcipue agit. Excusat se primo de suo ocio, & scribendi studio illis, quibus uideri poterat nimium ei rei indulgere, quod, cum nulla esset amplius Respub. nihil honestius, aut melius potuerit facere. Quem locum amplificauit optatione, & repetitione satis longa. Deinde exponit utilitatem & fructum sui ocij, & scriptionis, res se cognitione dignissimas suis hominibus patefecisse, ac uelut ita cõpensauisse ex aliqua parte illam Reipub. cladem. Quod autem profuerit hac re in publicum, definitione Philosophiæ ostendit, Philosophiam, de qua scripserit, continere cum aliarum rerum magnarum, & diuinarum explicationem, tum artem esse, & disciplinam uirtutis. Ibi etiam interiecta est breuis occupatio, cui inest argumentum ex Minore, cum minimæ res arte percipiantur, absurdum esse uirtutem rem maximam putare sine doctrina perdisci posse

posse, nec errauit Cicero, quando Philosophiæ diuinarum rerum etiam perceptionem tribuit. Non enim tantum ea, quæ in nostra religione traduntur, sunt res diuinæ, uerum etiā alia multa, ut quæ disputantur Philosophicè de Deo, de Prouidentia, de intellectu, de corporibus cœlestibus, & alijs rebus omnibus æternis, adeoq; de rerum natura ipsa. Nā in hoc loco diuinum, & apud Aristotelem θεῖον, nihil aliud, quàm æternum significat. Nunc si de rebus humanis potest esse aliqua scientia, profecto & de diuinis rebus potest esse, & multo quidem certior scientia. Quid quod Aristoteles tantum diuinis & æternis rebus tribuit scientiam, reliquis, quæ humanæ uocantur, non item? Aut igitur Ciceronis hæc definitio est retinenda, aut Aristotelis doctrina prius est abijcienda. Sunt & hic alij loci, ut sub initium transitio, & gemina propositio, altera totius huius libri, altera præfationis tantum. Item sub finem obiectio, in qua respondet ad absurditatem, quam uidebatur in se habere hoc, quod erat Academicus Cicero, & tamen de officijs, & alijs rebus disputabat. Academici enim docebant nihil certum esse. Ad doctrinam autem rerum uidetur certitudo quædam requiri. Defendit etiam obiter Academicam professionem, & profecto non omnino nullam causam habuit Cicero conferendi se ad Academicos. Maxima

enim pars earum rerum, de quibus disputamus homines, tantum in coniecturis, et probabilibus rationibus posita est. Ac sæpe nobis somniamus demonstrationes, ut loquuntur, seu certitudinem, ubi tamen nulla est. Porro sicut in primo libro promiscuè sunt usurpatae uoces Prudentiæ, et Scientiæ, ita hic Cicero uocat sapientiam eandem, quam in illo loco prudentiam uocauit, nec tam exactè hæc distinxit, quàm fecit Philosophus, quem nunc sæpe nominauimus. Quanquam is etiam relinquit suam quandam cognationem his inter se, nec omnino sapientiã diuellit à prudentia, sed ueluti reſtricte et huius, et cunctorum aliorum habituum constituit, ac ita suauisunè scribit in. 2. lib. mag. Ethic. ἀλλ' ἴσως ἔχῃ, ὡς περὶ τὴν οἰκίαν ὁ ἐπιτρόπος. ὁ γὰρ πάντων κύριος, καὶ πάντα διοικῇ, ἀλλ' ὅπως ὁ γὰρ ἀρχὴ πάντων, ἀλλὰ παρασκευάζει τὸν δεσπότην τοῦτο, ὅπως αὐτὸς ἐκείνος μὴ κωλύμενος ὑπὸ τῶν ἀναγκαίων ἐκκλείηται τῶν καλῶν τι, καὶ προσηκόντων πράξεων: οὕτω καὶ ὁμοίως τῷ τῷ ἡ φρόνησις, ὡς περὶ ἐπιτρόπος τίς ἐστὶ τῆς σοφίας, καὶ παρασκευάζει ταύτην τοῦτο, καὶ ποιῇ τὸ αὐτῆς ἔργον, κατεχούσα τὰ πάθη, καὶ ταῦτα σωφρονίζουσα. Hæc uerba coactius sum addere, quanquam pluscula, cum propter elegantiam, tum propter

propter lucem, quàm ingentem habent. Græcè autem ex Græcis fere cito, si quid cito, hanc etiam ob causam, quod existimem hoc nostro seculo debere omnes adolescentes, & iuvenes hanc linguam degustasse, & in ea discenda, coniungendâq; cum latina pergere, nec sequendum eis errorem esse illorum, qui, cum uix à limine, ut aiunt, salutauerint latinum sermonem, postea irruunt in immundissimum cœcænum barbarorum scriptorum, ac ibi quæstus uberriores, & nescio quorum titulorum, uerè titulorum non rerum, & propemodum tantum ad stabiliendam sophisticam excogitatorum gratia, per omnem ætatem se uolutant.

Quinq; igitur rationibus.

De rebus utilibus tractatum iri in hoc libro, in præfatione est ostensum, idem hic repetitur, & commendatur simul pars illa in superiori libro pertractata cum reprehensione quadam eorum, qui aliter quàm debuerant, usi sunt uocabulo Vtile. Statuit enim Cicero, idem esse utile, quod est honestum aut iustum, quod idem est secundum genus. Atq; ita uelut certam significationem dictioni constituit, ut eò facilius intelligi tota reliqua disputatio queat. Cum enim eadem uoces uariæ ut plurimum accipiuntur, necesse est, nisi pro quare proprie uelimus uti aliqua dictione, incertam & confusam esse rem inueni

uersam

uersam, de qua est disputatio. Deinde recitat multa, et uaria, quæ hominibus tum commodū, tum incommodum aliquod afferunt. Nimis autem Stoicē uidetur facere Cicero, et ἡγάδ' οὐκ ὀρθῶς, quando ita propè coniungit inter se honestum et utile, ut alterum cum altero conuerti uelit simpliciter, ut loquuntur, aut potius idem alterum esse, quod sit alterum. Sunt enim hæc uere separata æquè ac ipsæ res, et usus rerum. Quanquam Cicero de usu magis rerum, aut usu cum rebus coniuncto, quàm de rebus per se hic differuit ita, ut sit utile, quo rectè utimur. Sed aliud est res, aliud usus rei. Deinde aliud est per se bonum, aliud propter usum. Deus per se bonus est, etiam si nemo utatur eo bene, tum etiam homini fit bonus, quando bene quis eo utitur. Sic etiam uirtus per se est utilis hominibus. Est enim uirtus tantum, uel usus quidam bonus rerum, uel habitus rerum bene utendarum, uel potius utrunq;. Potestas, robur, formositas, diuitiæ, non per se bona sunt, ita, ut hic bonum accipitur (accipitur autem pro eo, quod nobis conducit) sed propter bonum usum. Hinc est, quod hæc potentia bona esse Aristoteles alicubi docet. Malus enim eis abuti potest. Atq; sic non sunt bona, sed quatenus bonus utitur eis bene, aut sic utitur, ut est à natura institutū. Hoc in eodem loco Aristoteles dicit his uerbis: δὲ
κίμα

κινῶμεν γὰρ τῇ τῷ ἀποδοῦναι αὐτῇ ἐκασ-
 του χρεῖσι. Atq; hæc est germana differentiain-
 ter bonum honestum, & bonum utile, quod alterum
 propter se expetitur, & in nobis est, ac magna ex
 parte ex nobis, alterum propter usum, & extra nos
 est positum, quodq; altero nemo potest male uti, al-
 tero uero malus potest male uti, & hæc haud dubie
 est Aristotelis sententia. Non multo aliter S. Au-
 gustinus etiā docet, qui triplicia facit bona, alia ma-
 gna, alia minima, alia media. Magna uocās, quibus
 nemo male utitur, & intelligit uirtutes. Media &
 minima, quibus male quis uti potest, & intelligit tū
 potentias animæ, sine quibus nō possumus uti uirtu-
 te, tū alias res, sine quibus possumus uirtute uti. In-
 dicāt etiā ipsa uocabula discriminē esse inter hæc duo,
 honestum enim est, quod dignum est honore, qui nō
 opibus, aut robori, aut alijs rebus utilibus debetur,
 sed uirtuti. Utile uerò ab utendo est dictum, &
 significat id propriè quo uti possumus. Apud Græ-
 cos appellatur χρεῖσις eadem ratione. Cicero
 magis hoc uocabulum pro eo, quo utitur quis hone-
 ste, usurpauit, aut potius pro ipso rerū honesto usu,
 qui sanè, quàm uirtus, nihil aliud est, & tamen sic
 impropriè, quæ sunt utilia, honesta dicuntur, certè
 non Aristotelicè. Quanquam hoc uerum est, non
 esse operam dandam rebus utilibus, uel eis utendū,
 si non

si non possit hoc etiam fieri, ut nō ledatur honestas. Et, ut facilius persuaderent animis hominum Cicero & Stoici, introduxerunt hanc utilis & honesti connexionem. Sed in foro sic fuerat differendum, non in scholis Philosophorum. Etiam si Cicero plus hic quā in foro disputauit, cum non Philosophis hæc scripserit, sed imperitis, & mediocribus hominibus, aut potius uelut orbis terrarum theatro cuidam. Mouit hoc etiam illos, quod uiderunt non tantum actiones aut honestas, aut turpes esse, uerum etiam aut utiles, aut inutiles. Sed in eo decepti sunt; ut puto, quod sunt utiles, aut inutiles improprie; aut per accidens, ut loquuntur, nō per se. Finis enim seu effectus actionis per se hominibus utilis est, non actio, quæ per se honesta, aut inhonesta est, non utilis, aut inutilis.

Quæcunq; igitur.

Hucusq; sunt expositæ uariæ res, quibus aut iuantur homines, aut leduntur, cum quadam collatione, quæ omnium maximè profunt, uel obsunt, nempe, ipse homo alteri homini, propositumq; est de huius priore parte tractandum esse. Nunc incipit, ostendere & explicare, quomodo plurima utilitas ab hominibus possit percipi, & primum quidem, quibus de causis homines adiungantur hominibus ita, ut eos obseruent, honore afficiant aut commo-
dis, &

dis, & eis pareant. Earum autem dicit optimam,
 & firmissimam esse, quæ ex uirtute profisciscatur,
 estq; illa res amor, quem cum metu etiam comparat.
 Quamquam enim & metu retinentur honores &
 potentia, tamen, cum oderint, quem metuant, nō po-
 test firma esse, & stabilis talis potentia, & est ple-
 nā molestiarum & periculorum. Quod ipse uarijs
 exemplis ostendit, ac omnes quidem historię testan-
 tur, miseros exitus fuisse Tyrannorum. Nam tales
 sunt Tyranni, qui præsunt ui, & sua libidine prole-
 gibus utuntur, non sunt νομοφύλακες, aut ἐμα-
 λυχοῦ δίκαιου, id quod esse est propriū officium
 regum, & principum. Itaq; uerè Iuuenalis dixit:
 Ad generum Cereris sine cæde & sanguine pauci
 Descendunt reges, & sicca morte Tyranni.

Et Plato egregium dat consilium Dionis cognatis,
 ubi ait: μὴ δ' ὁλῶς Σικελίαν ἐπ' ἀνθρώ-
 ποις διαπότεις; μὴ δ' ἄλλην πόλιν ὄγ-
 ῃ μὲν λόγος, ἀλλ' ὑπὸ νόμοις. Sed non hic præ-
 cipitur, qui quibus debeant obtemperare, qui præ-
 sunt, qua ratione debeant præesse docetur, aut po-
 tius, quomodo sit hominibus utendum, ad dignitatē,
 & potentiam uel comparandam, uel retinendam
 rectissimè & tutissimè. Vtitur etiam ad hanc rem
 Cicero suæ Reipub. exemplo, cum longa deplora-
 tione præsentis status, & inuehitur unā in Syllam,
 & Cæsarem,

Et Cæsarem, qui oppresserant Rempub. Quod autem sordidissimam, et inquinatissimam rationē tribuendi honorem, aut similes res uocat, quando precio, et mercede homines ducuntur. Plato pulchrè dixit: φιλίαν διὰ βαναύσας φιλότιτος γέγονότα. Tale enim quiddam Græcis βάνανσορ significat, quod hic Cicero sordidum et inquinatum dixit.

Summa igitur.

Propositioni de gloria subiiciuntur eæ res, quibus absoluta, et uera, ac solida gloria paritur. Nam et alia quædam gloria est, ac ea quidem imperfecta, et emendicata propemodum, de qua suo loco dicetur. Sunt tamen eadem fere, per quæ uera gloria comparari hic dicitur. Nihil enim aliud discriminis est inter hoc genus beneuolentiæ, et admirationem, quàm quod est inter id, quod est inferioris gradus, et id, quod est altioris. Sed hæc ita sparguntur, ut fiat res dilucidior, et amplior. Quanquam Cicero satis improprie, et populariter hic loquitur, cum admiscet ea, quæ sunt mercenariæ gloriæ, loco de uera gloria, quæ tantum uirtute constat, nisi quod de liberalitate et alijs uirtutibus aliquid addit. Hæ tres causæ exponuntur ordine.

Ac primum de illis tribus.

Prima causa consistit aut in ipsis beneficijs, aut
in uolun

in uoluntate benefaciendi, ita tamen, ut facultas de-
sit. Nam ubi sunt opes, ibi frustra iactatur animus,
& studium, si non sequantur beneficia. Tametsi
quoque inueniuntur, qui, cum non dent, habentes unde
possint dare, beneficam tamen uoluntatem habe-
ant, & prosint aliquando, non quidem de suo, sed
alieno, sine turpitudine, ut qui commendant aliquos
aliquibus, uel sibi paribus, uel se superioribus, ma-
gis tamen, si magis ad uirtutem propendent, his,
quàm illis. Sed nescio, an ij prorsus non sint libera-
les, sed potius callidè suam auariciam tegentes, ac si
mul φιλοκόλακες. Se uerò tenuioribus alios com-
mendare sine iusta ratione. planè sordidum est.

Fides autem ut habeatur.

Secundæ causæ explicatio, quæ constat iusticia, et
prudentia. Habet hic locus opportunā admodū ob-
iectionem de connexionione uirtutum omniū. Ita enim
disputatum est à multis Philosophis, & ipso Cice-
rone, ut, qui una uirtute perfectā sit præditus, præ-
ditus simul sit alijs omnibus. Separauerat autem à
iusticia prudentiam. Ad id respondet, non se exa-
ctā hic disputationē de uirtutibus habere, sed uulga-
rem, & pro communis uitæ ratione. Aristoteles in
sexto Ethicorum manifeste coniungit iusticiam, si
non specialem, tamen generalem cum prudentia, nō
tamen isto modo, ut omnes uirtutes ita sint cōtextæ,

E nec

nec usquam, ut opinor, ille Philosophus hoc docuit.
 Verba eius de hac re sunt: ὡς εἰ δὴ λόγος, ὅτι ἂν δὲ
 νατοῦ φρόνιμος εἶναι μὴ ὄντα ἀγαθόν.

Erat igitur ex tribus.

Hæc est tertia pars disputationis de summa gloria, & præcipua. Naturaliter enim hoc fit, ut eos dignos esse magna gloria arbitremur, & honore singulari afficiamus, qui sunt excellentibus uirtutibus ornati. Est autem gloria nihil aliud, quàm tum uerum iudiciū de insignibus uirtutibus, et earū prædicatio, tum officia, quæ tale animi iudicium testantur. Admiratio uerò non est simplex iudicium, sed quod aliò respicit, & confert magnas uirtutes, cum aut uirtutibus alijs leuioribus, aut naturæ humanæ ratione ac modo. Sunt enim in nonnullis tantæ uirtutes, ut homines mediocres existiment, eas in hominis animum, aut naturam non posse cadere. Talis fuit Iulij Cæsaris fortitudo, quando, cum aliàs, tum contra Neros in Gallia pugnans restituit inclinatam aciem. Talis fuit Socratis, & Catonis constantia. Talis fuit cōtinentia Cn. Martij, quando ex propositis sibi multis premijs militaribus tantum unius hostitis captiui salutem, & equum sumpsit. Maiorem etiam moderationem præstitit Dux Urbini mulier patrum nostrorum memoria, quæ uiginti annos fere pudicè & castè uixit cum marito suo non apto
 ad rem

ad rem uxoriam, sine querelis, sine rixis, nemini hoc indicans, in magno erga uirum amore, & obseruantia. Quam uirtutem meritò uir elegantissimè doctus Petrus Bembus magnis laudibus uexit. Tam insignes uirtutes excitant in hominū animis admirationem, unde gloria perfecta nascitur. Inter gloriam autem & honorem hoc uidetur esse differentia, quod gloria tantum in hominum iudicio, & magna prædicatione, seu fama consistit, honor sine hoc celebri & pleno uocis & rumoris testimonio quiddam est, non tamen sine illo iudicio, & laudatione. Virtuti autē adeò propria est gloria, ut Aristoteles in plerisq; locis solam uirtutem ἀγαθὸν καὶ πρᾶξις τοῦ esse disputet. Porro Cicero amplificauit hanc partem à contrarijs, causa & effectū, contemni eos, qui uirtutum expertes sint. Ducit etiam hanc disputationem per fortitudinem & iusticiam, uirtutes maximè admirabiles, & ad gignendam gloriam paratas. Vbi obseruari debet, quod dicit, neminem posse iustum esse, qui mortē, exilium, egestatē timeat, Stoicè enim, ut pleraq; in hoc opere dicuntur, & cōtra Aristotelem, qui multo rectius, ut suprā quoq; ostendimus, sentit, affectus secundum naturam esse, & quidem omnes. Et eruditè in quodam loco de fortitudine inquit: Non est fortis ille, qui nihil timet, sic enim & lapis esset fortis, & alia

inanimata. Deinde est addita splendida iusticiæ laudatio. Plato in disputatione de Republica breuius hoc dixit: *σάσεις γὰρ πρὸς ἡγὰς ἀδικία, καὶ μίση, ἢ μάχας ἐν ἀλλήλοις παρέχει, ἢ δὲ δικαιοσύνην ὁμόνοιαν, καὶ φιλίαν*. Porro quod de Medis hic dicitur, extat in primo lib. apud Herodotum, cuius uerba, quia sunt admodū suauia adscribere uisum est. *ὥς δ' ἐγὼ δ' οἰκέω, καλὰ λίσσῃ ἐλέγοι οἱ τῷ δ' οἰκέω φίλοι, ἃ γὰρ δὴ τρέπω βέλ' ἔχοντι χρεώμενοι διωατοῖς εἰμὲν οἰκέειν τὴν χώραν, φερε σύσωμιν ἡμέων αὐτῶν βασιλέα, ἢ ὅτ' ἡγε χῶρον ἐνομήσειτ', ἢ αὐτοὶ πρὸς ἔργα τρεψόμεθα ὅδ' ὑπ' ἀνομίας ἀνάστητοι ἐσομεθα*.

Postremo hic notandum est, quod cū dixit prohibere iniuria tenuiores, construxit uerbum prohibere cum ablatiuo significante passionem, contrā quā solet plerunq; fieri, cum dicimus: Prohibitum accessu, colloquio, amore, actio significatur, id est, ne accederem, ne colloquerer, ne amarem: hic uerò iniuria significat eam, quæ accipitur, non quæ infertur, & est sensus, ut caueret, ne afficerentur iniuria tenuiores. Est etiam hoc sciendum, Cicero nemius æquabile dicere, non quod æquet omnes, sic enim non possent alij alijs esse potentiores, aut ditiores, sed quod iusticiam inter homines, & æqualita-

tem quandam proportionalem, æquitatemq; conseruet, hoc est, quod pari studio defendat tenues, & potentes, summos & infimos, & neutris patiaturs ab alteris suum adimi. Aristoteles ἀναλογικόν, & κατ' ἀναλογίαν δίκαιον appellat.

Sed ut pecuniæ quærendæ.

Non minor est uirtus, quàm quærerere, parta tueri,

Casus inest illic, hic erit artis opus : Inquit Ouid. Idem hic initio præcipit Cicero de gloria, sed ualde paucis uerbis, sumpta comparatione à pecuniæ acquisitione, & conseruatione. Postea relabitur in superiorem partem de comparanda & augenda gloria. Quod de Socrate additum est, est transcriptũ ex secundo libro Xenophonis, de factis & dictis Socratis. Hoc Apophtegma Socratis auxit argumento à contrario, cum dicit, simulatam gloriam non esse durabilem. Et adiecta est insignis sententia, nihil simulatum esse perpetuum. Hanc sententiam unà cum contrario probat exemplis Gracchorum, patris & filiorum. Postea repetit ex præcedentibus, quæ sit illa uera & non ficta gloria, atq; proponit. præcepta se traditurum esse de eo, ut uideamur etiam tales, quales sumus, inuerso dicto Socratis propemodum. Alios enim, cum alij habeant commendationem ex maioribus, & in celebritate uersentur, non habere à maioribus commendatio-

nem, ac obscuros esse. Quare conandum esse illis à prima adolescentia, ut noti & clari fiant. Hæc causa & generale præceptum hic sunt addita.

Prima igitur.

Nunc incipit enumerare illa præcepta. Quamquam hoc non facit forma præceptorum, sed ostendit quibus rebus ac studiis comparari gloria à prima adolescentia queat. Fit autem hoc aut re militari, aut ingenij dotibus, & operibus, quæ, ut suprà, ita hic etiam præfert bellicis uirtutibus & operibus. Atq; hæc quidem ingenij bona exercentur, & declarantur aut pietate aut similibus uirtutibus, aut conuersatione cum honestis uiris aut eloquentia. In hac parte est prolixus, & ad finem usq; huius loci perseverat. Repetit autem quædam ex primi libri eo loco, in quo fecit duplex genus orationis, & ex utroq; dicit comparari gloriam, ex forensi autem non paulo, quàm ex illo comi & affabili, maiorem. Postea diuidi forense genus in defensionem, & accusationem, & defendendo plus laudis & gloriæ, quàm accusando acquiri, ostenditq; quatenus liceat accusatione uti. Inspersa sunt ubiq; exempla. Quod autem in fine dicit, iudicis esse uerum semper sequi in causis, eius causa apud Platonem in Apologia Socratis exponitur his elegantissimis uerbis: ἐνὶ δὲ τοῖς κριταῖς ὁ Δικαστὴς ἐνὶ τῷ χαλεπώτερον
τὰ δὲ

τὰ δίκαια, ἀλλ' ἐπὶ τὸ κρίναι τὰυτὰ, καὶ
 ὁμώμοκεν ὃ χάρις ἔστι, οἷς αὖ δ' οὐκ αὐτῷ,
 ἀλλὰ δικάσειν κατὰ τὸς νόμους.

Sed expositis adolescentū officijs.

Cicero ulterius hic progreditur in instituta di-
 sputatione de comparanda beneuolentia multitudi-
 nis. Quod enim hactenus de gloria dixit, eodem per-
 tinet. Nam gloria magnæ cuiusdam beneuolentiæ
 multorum effectus est. Addit autem hæc superio-
 ribus per transitionem, et docet de liberalitate, fa-
 ciens duo genera eius. Alterū consistit in pecunia,
 et est leuius: Alterum in opera, ut est, consilium
 dare, defendere contra uim et iniuriam, et similia,
 et est grauius. Sic enim inter se comparat hæc duo
 Cicero, et postea ostendit, quomodo sit largienda
 pecunia, nempe moderatè, et non nisi idoneis homi-
 nibus, et pro nostris facultatibus (non enim debe-
 mus alijs dare, et ipsi postea mendicare, aut esuri-
 re) Hoc autem nihil aliud est, quàm liberalem esse.
 Nam qui dat, cui non debet dare, et non quando,
 et quantum, et quomodo debet, non est liberalis.
 Colligit etiam incommoda, quæ sequuntur immodi-
 cam largitionem, id est, prodigalitatem. Sunt au-
 tē ablatio causæ liberalitatis, et rapinæ. Qui enim
 suum profuderunt, postea nō possunt esse liberales:
 et quia assuefecerunt se ad dandum, adimunt alijs,

ut possint alijs dare. Prouerbiū, quod est additū debet intelligi de animo accipientium, non de pecunia. Pecunia enim exhauriri potest etiam maxima, Cupiditas accipientium non potest expleri, & hoc est, non habere fundum, Atq; ita ipse Cicero quodammodo exponit prouerbiū.

Omnino duo genera.

Sicut alijs serē uicijs, ita auariciæ duo sunt contraria. Quanquam enim uni unum proprie est contrarium, tamen in ijs, quæ habent media, duo sunt aliquo modo uni contraria, nempe, alterutrū extremorum, & alteri extremo, & medio. Sunt autem prodigalitas & liberalitas, auariciæ contraria, quorum genus hic Cicero largitatē facit, ad personas tamen orationem aptauit, non ad res, hoc est, de prodigis & liberalibus, quos ambos uocat largos, docet, quod tantundem est, liberales sunt, qui seruant medium in dandis quibuscunq; rebus, quæ æstimantur pecunia; prodigi non seruant, & propterea reprehenduntur tales à Cicerone. A Græcis tales uocantur ἀσώτοι, ab ἀ, quod est non, & σῶζειν, id est, seruari. Terentius uocat ἀσώτον, luxu perditum, bene expressa hac uoce. Porro quod hic Theophrastum reprehēdit Cicero, grauiter est factum. Quanquam enim uirtus est magnificentia, non tamen liberalitati præferenda est. Quanquam
magnē

magni & splendidi sumptus, qui fiunt contra decorum, aut in rebus paruis, non sunt magnificentia, sed βαυανσία, seu ἀπειροκαλία, hoc est, luxus. Atq; sic nonnihil abusus est hoc uocabulo Cicero. μεγαλοπρέπεια, id est, magnificentia, est, ut definit Aristoteles in quarto Ethicorum, ὅτι μέγας πρέπεια δ' ἀπάνη.

Quanquam intelligo.

Sequitur enumeratio eorum, qui sine uicio largi fuerunt in publico, & magnifice adilitatem administrauerunt. Fuit autem hic Magistratus illis temporibus diu uelut occasio quædam, & aditus ad maiores honores, propter largitiones, quæ in eo fiebant ludorū occasione, qui ab Aedilibus gubernabantur, & edebantur. Tametsi non erat in hoc institutus, quod hic quoq; significatur. Est q; hic locus propter adilitatē obseruandus. De decima autem, quæ solita est sacra fieri Herculi de omnibus facultatibus, legendus est quintus liber Dionysij. Vestibulorum Periclis, quæ Cicero hic græco uocabulo προπύλαια uocat, sit mentio in uita Periclis apud Plutarchum.

In illo autem.

Natura ipsa, & commune de rebus omnium hominum iudicium nos docet, miseris, & egentibus dandum esse potius, quàm ad maiores opes contentis,

dentibus, quiq; non sunt destituti necessarijs facultatibus. Id hic Cicero monet, tractans de altero genere largitatis, laudabili scilicet per sese. Paulò ante enim duo fecit. Deinde præcipit de collocandis beneficijs. Quanquam enim & in accipiendo uidendum est, quis det, nec à quouis, ut in prouerbio iubemur, accipiendum est, sed à solis idoneis, hoc est, candidis, & synceris, non insidiantibus nostræ libertati, aut captantibus maiora beneficia. Hic tamen tantum, quibus dari debeat, demonstratur. Docet autem & dignis, & gratis benefaciendum esse, & ea quidem beneficia conferenda, quorum memoria etiam sit uictura apud posteros eorum, qui acceperunt. Talia autem sunt magna, & illustria. Habent enim multos alios homines testes. Quare posteri etiam uelut coguntur grati esse, ne in odium hominum ueniant propter ingratitudinem. Nemo enim etiã ex tenuibus non odit ingratos, propterea, quod ut Mimus inquit: Ingratus unus omnibus miseris nocet. Nec admodum hæc præcepta pugnant cum Christiana doctrina, præsertim, si, quod Seneca docet, addatur, ingratis etiam aliquando, & per se indignis dandum esse, aut potius, si tota res diligentius expendatur. Grauis hæc, & digna Philosopho Senecæ uox est. Beneficiorum prima simplex ratio est, tantum erogatur, si reddet aliquid, lucrum est, si

est, si non reddet, damnum non est. Ego illud dedi,
ut darem. Nemo beneficia in Calendario scribit.
Nec dissentiunt hæc ab ijs, quæ in quarto libro eius-
dem operis copiose tradit, non esse dandum manife-
ste ingratiss, aut indignis, nisi alia aliqua grauis caus-
sa hoc exigat. Quod si reliqua sint paria, nõ uideo
quomodo hæc dissentiant ab ijs, quæ de bonis operi-
bus etiam à Christo ipso tradita sunt, præterquàm
quod finis non est prorsus idem. Et ne quidẽ Deus
noster hoc uult, ut quibuslibet largiamur, sine dele-
ctu, aut pariter omnibus largiamur uel ad alendam
hominum pigritiam, & improbitatem, uel ad negli-
gendos, & sedulos; & bonos, & parum, ut sæpe
sunt, foelices. Quod necesse est fieri aliquando, nisi
ratione quadam, & iudicio demus adhibito. Suauis
est, quod Cicero hic addit in contractibus quoq; li-
beralitatem debere relucere, nec omnia supputan-
da esse exacta prorsus ratione, & hoc sæpe esse fru-
ctuosum. Sicut in Terentio quoq; dicitur: Pecus-
niam interdum negligere, magnum est lucrum. Ad-
ditum est etiam de hospitalitate. Hæc enim in pri-
mis decet homines. Ac notandum est exemplum,
quod sequitur de Cimone, & de hac Cimonis libe-
ralitate est apud Athenæum in. 12. lib.

Quæ autem opera.

Alter pars liberalitatis erat opera, seu labore,
hoc est

hoc est agendo, non dando, quod manu præhendi-
tur, & accipitur, quæ est altera pars, & nunc ex-
posita, prodesse. Ea tractatur in hoc loco. Fit autem
hoc uarie, ut consulendo, defendendo, commendan-
do, non modo iudicibus, & magistratibus, quando
ipse non possis pro eis in iudicio dicere, sed alijs
quoq; ut dent uel res uel operam, cogitando, & ui-
gilando pro aliorum salute & utilitate, excusando
se offensis, & sarciendo aut omissum commodum,
aut datum damnum. Atq; hæc ab ipso Cicerone cla-
rè sunt explicata.

Sed cum in hominibus.

Hoc etiam præceptum est necessarium. Quan-
quam enim plerunq; dantur opes nullis nunc, nisi di-
uitibus ut ait Martialis, tamè diuersum esse facien-
dum sentiunt omnes, in quibus uel scintilla est pro-
bitatis, & hoc duce natura. Docti etiam ratione
hoc possunt scire. Nam liberalitas est uirtus, &
uirtus in medio uersatur, medium autè est, uel æqua-
litas quedam, dare ei, qui indiget, non ei, qui habet
antea, ergo non habenti magis est dandum, quam ha-
benti. Et hoc quidem, quod pertinet ad rerum datio-
nem. De operis, seu actionibus, idem considerandū
est, ita tamen, ut opes non habeant aliquid ponderis
præ probitate, aut potius præ necessitate, & indi-
gentia, ubi par fuerit probitas, & nihil aliud gra-
uius

uius obfiterit. Tali comparatione ufus eft hic Cicerō. Quod autem addidit, locupletes non accipere beneficia nomine beneficiorum, caufa eft, quod, ut docet Mimius, Beneficium accipere, libertatem uendere eft. Habet hæc comparatio beneficiorum, quæ in pauperes & diuites conferuntur, conclufionem, & amplificationem conclufionis, per in figne quod dant Apophthegma Themiftoclis, quod eft in uita quoq; eius apud Plutarchum. Obferuari etiam debet in hoc loco alterum Apophthegma, de habenda & referenda pecunia & gratia. Eft enim lepidum & urbanum, cum propter cōmutationem uocum, tum propter ambiguitatem, quæ naturæ sermonis inuoluta eft. Gellius in 4. capite primi libri fimilem ex oratione pro Plancio locum citat, cum arguta ex pofitione cuiusdam Rhetoris.

Sed quoniam de eo genere.

Hæc annectuntur præcedentibus per tranfitionem. Incipit autem differere de iſtis beneficijs, quæ publice in multos, aut in totam Rempublicam conferuntur. Hoc fit dupliciter, aut ſimul, aut ſeparatim, ſeu, ut Grammatici loquuntur, aut collectiue, aut diſtributiue. Nam uniuerſi omnes ſimul ſignificant, ſinguli uero non ſimul omnes, ſed per quamdam diuiſionem, ſiue enumerationē, & reſpectum omnium partium, atq; hoc quidem in poſtiori diuiſione

uisione. Sunt enim due in principio statim, & in
priori hac uoce, non certæ multitudinis, aut totius
omnes partes, sed quælibet in quolibet numero si-
gnificantur. Id quod cum obscuret sententiam pro-
pter uel absurditatem, quæ uidetur inesse orationi,
quanquam non inest, uel ambiguitatem, obseruan-
dum est. Ac propterea Cicero in posteriore, usus est
uerbo attingat. Nam illud genus publici beneficij,
quod in singulos collocatur, alij post alium, uelut
numeratur specialiter, & diuisis partibus, omni-
bus tamen. Cuius generis puto esse uiscerationem,
epulas, distributionem frumentariam, contrà quod
in uniuersos confertur, non diuiditur, sed totū omni-
bus simul datur, ut est pax, templa, portus, & alia
suprà recitata. Est in posteriore diuisione constru-
ctio quoq; aduerbij partim cum genitiuo eorum no-
tanda. Similes sunt cū alijs in Ciceronis libris, tum
in secundo & tertio libro de Oratore. Post exem-
pla, quæ huic parti sunt addita, sequuntur duo præ-
cepta ualde utilia in Rebus publicis, nec habet opus
explicatione. Vtitur hic Cicero Philippi exemplo,
quem puto eum esse, cui Lucio cognomen fuit, &
fuit tum legatus Syllæ, tum Consul, & uehemens
aduersarius Senatus, de quo est apud Ciceronem in
prologis. 1. & 2. librorum de Oratore, & 86. Epi-
tome Flori.

Caput

Caput autem est in omni procuratione.

Quia uirtus consistit in quadam medietate ut sic dicam, uitari debet utrunq; extremorum. Bene itaq; hic Cicero, cum, quàm turpis res esset prodigalitas, exposuisset, fœditatem quoq; auaritiæ, aut potius damna, quæ affert secum auaritia, ostendit, & suæ reipub. exemplo, idq; per comparisonem, ut recte præcipiunt Rhetores debere fieri commodorum, quæ medium in hoc genere actionum comitantur, cum incommodis auaritiæ. Ponit autem aliquot exempla, & coniungit publica commoda cum priuatis. Altera enim publicè & priuatim obsunt, altera utrobq; prosunt. Postea redit ad disputationem paulò ante institutã de beneficijs, quæ ad multos pertinent, & reprehendit rem agrariam, & nouas tabulas, ac similes largitiones, id est, largitatem publicam, seu luxum publicũ coniunctum cum iniustitia, aut aliorum iniurijs. Ibi recitat etiam quatuor incommoda, quæ sequuntur ex hoc genere proluuij, quorum duo priora sunt publica, reliqua priuata, & postremum declarat exemplis Græcorum & Romanorum. Magnificis quoq; uerbis Arati insigne quoddam factum exponit, quod est exemplum præcedentibus contrarium, & copiosius descriptum extat apud Plutarchum in Arati uita. Ad
ditum

ditum est huic historiae Epiphonema exclamatione ornatum, & contentione, item obiectione, & duobus exemplis, altero Ciceronis altero Cæsaris. Sunt etiam hic aliquot repetitiones. In summa hic locus est crebro, & multum & dense inculcatus, ita ut possit exemplum esse commorationis, quæ inter ὁμοῖα & ἑτεροῖα recitantur. Sequitur Epilogus cum excusatione Panætij, ubi obiter illa tamen explicantur, quæ Panætius omiserat, & propter quæ erat ab Antipatro notatus. Porro hæc duæ sententiæ in principio, Ne illi quidem multa secula, & Nondum centum, & decem anni sunt, uidentur non nihil dissentire, sed prior ad interualli temporis breuitatem referenda est. Sunt enim inter illa Panætij tempora & hæc Ciceronis, anni fere tantum. 270. Altera dicit de huius mali celeritate in crescendo.

Sed utilitatum comparatio.

Hæc est secunda huius libri pars, quæ, ut in superiore est factum, tantum significatur, potius, quàm explicatur. Quanquam facilis est, & plana per sese, nec fortasse debuit, quanquam potuit prolixius tractari. Comparantur utilia inter se uel duo uel plura, ut discamus habere delectum in eis. Sunt enim alia alijs magis utilia. Atq; hæc optimè & facillimè iudicari possunt, his ordinibus bonorum consideratis, qui sunt fere apud omnes Philosophos:

animi

animi scilicet & corporis, & externorum, seu fortunæ, sicut etiam à Cicerone hic est factum. Sunt & aliæ bonorum diuisiones ex Aristotele petendæ. Præterea ibi aut externa autem, ut gloria diuitijs, aut uestigalia urbana rusticis, legi debet, non externorum, aut aliquid est omissum. Alioqui enim aspera, & inepta constructio est. Porro ad medium ianua sedere, est ad ingressum domus sedere, uel in hemicyclo, uel in alia sellula, ubi res non subtiliter disputantur, ut in scholis fit, sed populariter, uelut crassa Minerua, ut fit apud imperitos, aut leuiter peritos, probos tamen. Quanquam ibi Epicureos perstringit, qui propter aut ambitionem, aut inuidiam, omnem officiorum rationem peruerterant. Nam hæc duæ pestes doctorum etiam, & ingenioforum animos non raro fastigant.

G

Commen

COMMEN

TARIA TERTII

libri de Officijs.

Publium Scipionem Marce fili.



Væ sunt huius præfationis partes. In priore de suo ocio Cicero dicit, & comparat id cum Africani ocio sic, ut, cum dissimile suum, & inferius esse ostendat per quandam extenuationem, superius tamẽ eò uelit uideri, quod ipse in ocio aliquid scripserit, & posteris etiam hac re consuluerit, Africanus id nõ fecerit. Est autem hæc pars inchoata à dicto quodam Africani, quod ipsius ocium declarat cuiusmodi fuerit, & quidem Cicero addit expositionem. Vocant ueteres hoc genus dictorum & factorum *χρησας*, de quibus uide Quintilianum libro primo, capite decimo quinto, & Priscianum in Præex. Rhetor. ubi & latinum uocabulum *Vsus* est usurpatum. Id enim Græca uox significat ab utendis, hoc est, citandis, ut nunc loquimur, aliorum dictis, aut factis. Similia exordia sunt apud Ciceronem in libro secundo de Inuentione, & libro secundo Tusculan. quæstio. Eadem
pars

pars conuenit cum præfatione secundi libri, nisi quod ibi alia forma est, nempe, excusatio, utrinque est inpersum quiddam querulum. Secunda pars est exhortatio ad filium, ut diligenter hanc partem Philosophiæ de Officijs cognoscat, et significat ei, ut hos etiam libros legat, additque occupationem, tametsi hæc abundè à Cratippo discat. Vtitur deinde tribus argumentis, ab expectatione hominum, de ipso, à celebritate loci, in quo uersatus est tum Cicero filius, et à præceptoris autoritate, sicut fecit in præfatione primi libri. Istic enim simile est argumentum. Cæterum, quod hic dicit, inanem redire turpissimum est, ex Homeri secundo libro Iliados sumpsit, ubi Vlysses in sua exhortatione ad Græcos inter cætera ait:

αἰχρόν τοι δ' ἔργον τε μένεις, κενεόν τε νῦν
εἶμι.

In superiore parte dicit ex malis minima oportere eligere, quod Aristoteles sic dixit paulò aliter. ὅν ἂν γὰρ ὁ γὰρ λόγῳ γίνετ' δ' ἔλαττον κακὸν πρὸς τὸ μέγιστον κακόν. Εἰ γὰρ τὸ ἔλαττον κακὸν μᾶλλον αἰδέτορ τοι μέγιστον.

Panætius igitur, qui sine contro-
uerfia.

In primo libro huius operis de honestate Cicero disputauit, in secundo de utilitate, in hoc tertio li-

bro comparat hæc duo inter se, & ostendit, quando uideantur pugnare utilitas & honestas, quid sequendum sit. Non enim uerè pugnare, cum idem sit honestum quod utile, & idem utile, quod honestum. Idq; ex Stoicorum disciplina sentire se, & eò hanc disputationis partem de officijs accomodare, Panætium autem hanc partem in suis libris non tractauisse. Hinc oriuntur duæ quæstiones uelut per occupationem. Prior est: Posuerit ne Panætius hanc etiam partem, cum non explicauerit eam. Altera: Debuerit ne istam partem introducere, cū nunquam pugnent inter se utile & honestū. Hæ quæstiones explicantur prius, quàm rē ipsam incipit. Et est totus hic locus uelut exordiū quoddā, seu insinuatō, quæ est pars aut etiā species exordij. Remouet enim ea, quæ uidebantur initio disputationis absurda, uel incommoda esse, proptereaq; sibi obstare, & uelut isto modo cōciliat sibi lectorū animos, id quod solet in insinuationibus fieri. Repetiuit autē ex primo libro Panætij diuisionē. Priorem quæstionem sic explicauit, ut doceat, Panætium uoluisse de hac etiam parte disputare, tribus argumentis: Primo, à diuisione Panætianæ disputationis: Secūdo, ab alio loco eiusdē operis: Tertio, à testimonio Possidonij, ductis De imagine Veneris cuius ibi mētio fit, est in Plinij tricesimo quinto libro, capite duodecimo.

Recte

Recte ne autem hanc tertiam partem.

Altera pars insinuationis, & explicatio secundæ quæstionis. Ostendit autem principio, sicut in præcedente quæstione est factum, unde sit hæc dubitatio, Nempe cum non pugnent hæc inter se, ac eadem res sit, Utile & Honestum, secundum Stoicos tamen, non debere, aut posse recte institui, aut fieri horum comparisonem. Diuersa enim aut contraria, aut certe nõ eadem secum comparari solent. Adhibuit hæc ad Peripateticorum quoq; doctrinã. Deinde adiecta est longa occupatio, repetita ex primo libro, diuisione de honesto, seu officijs: Aliud honestum esse in sapientibus, aliud in mediocribus, et gerentibus tantum speciem sapientum: Illud perfectum esse, hoc imperfectum. Et uidetur significare occultè, nullos perfectum honestum habere, sicut nulli habeant perfectam sapientiam. Reuera enim nemo est talis. Et hic se disputare de mediocribus officijs, non de Perfectis & summis, quæ uere tantũ finguntur, nec sunt in hominis natura. Sicut aliarũ rerum perfectas species non recipit humanus animus propter suam angustiam & imbecillitatem. Et tamen illa honesti similitudine utendum esse non aliter, quàm si esset perfecta species, nec putandum, quod cum utili pugnet unquam. In eo loco multus

G 3 & pro

Et prolixus est Cicero, tum propter similitudinē,
 tum propter exempla, et alias exornationes, quibus
 est usus. Sequitur postea responsio ad questionem,
 et exponitur consilium Panætij de hac parte,
 addito etiam exemplo. Cæterum in hoc loco fuit
 menda circa principium, et eam bene correxit Lug-
 dunensis codex, qui indolentia habet scriptum, ubi
 alij omnes fere codices habent scriptum indigentia,
 sicut recte in sequentis loci initio abiecit Qui relas-
 tium, et in eodem commate uerbum actuum ante-
 ponunt, in passium anteponuntur mutauit: Aliter
 enim ibi non est constructio. Et melius ista sequenti,
 quam huic loco adscribuntur. Quæ autem de tali
 coniunctione utilis cum honesto mea, imò Aristote-
 lis esset sententia, supra est monstratum in secun-
 dolibro.

Itaque ut sine errore diiudicare
 possimus.

Hic incipit ad rem ipsam propius accedere Ci-
 cero, et proponit de generali regula, quæ sit usui
 futura ad omnem reliquam disputationem, et unā
 breuiter rationem reddit, cur sequatur in hoc opere
 Stoicos maximè. Deinde regulam illam, seu for-
 mulam subiicit copiose et splendide expositam.
 Summa autem eius est, nihil debere detrahi alteri
 homini

homini per auariciam, aut iniuste, sed alios homines adiuvandos esse cum quantocumq; periculo, aut molestia. Sic autem tractatum est hoc præceptum, ut probetur initio tribus argumentis. Primum est tractum ab inutili, seu damno consequente, nisi fiat hoc modo: Lædi societatem generis humani iniurijs. Ibi est etiam inserta similitudo cum occupatione, quod tamen liceat, ut sibi quis malit, quàm alteri, acquirere ad uitam necessaria, & crebrò eadem sententia repetitur, & postea aliquoties in toto hoc loco per contentionem fere, adeò, ut & hic exemplum possit haberi commorationis. Idem enim sæpe repetitur, inculcatur, urgetur, præcipitur, docetur aliter atq; aliter, tanquam pictum. Secundum argumentum est ductum à turpi, contra ius naturæ & ciuile esse aliter facere. Tertium à causa efficiente contrariorum, Iusticiam & similes uirtutes magis secundum naturam esse, quàm uoluptatem et similia. Iustitia enim conseruat humanam societatem, uoluptas uerò dissipat. Deinde addita est amplificatio, in qua confutat prætextum iniuriarum, seu falsam opinionem eorum, qui inferunt iniurias, per dilemma, seu diuisionem. Eam amplificationem concludit, & reuocat totam rem ad communitatem rerum. Sequuntur postea quatuor obiectiones, quæ sunt ex conditionibus, seu gradibus quibusdam ho-

minum natæ. Patrem enim, aut fratrem, ciuem, exter-
num, stultum, & inutilem, item tyrannum esse,
conditiones sunt, & gradus hominum. Sic autem
Cicero ad omnes respondet, ut doceat omnia referen-
da esse ad communem utilitatem. His est subiectus
Epilogus, in quo accommodat exposita in obiectio-
nibus ad Panætij consilium, & reuocat hanc rem ad
ea quæ sunt in præcedentibus libris disputata, &
iubet sibi de uirtute concedi quædam per quandam
similitudinem. Est etiam subiecta excusatio Pan-
ætij de hac parte assumpta in disputationem de
officijs. In fine ponitur tantum propositio huius li-
bri. Et hæc quidem est dispositio huius loci. Nunc
aliquid etiam de obscura & necessaria questione ad-
dam, quæ, & si rectius in primo libro esset expla-
ta, non tamen huc prorsus non quadrat, cum ibi sit
omissa, & eiusdem rei fiat hic mentio. Est autem di-
sputatatio quoq; de iure naturali, & iure ciuili. Nā
ius gentium idem esse, quod est nature ius, hoc de-
clarat, quod bella, captiuitates, seruitutes iuris natu-
ræ sunt, non uel contraria iuris nature, ut Iuris-
consulti uolunt, uel affectus mali, quod alij nonnulli
harū rerum non satis adhuc periti docuerunt. Cum
enim à natura sit institutum, ut aliqui præ sint inter
homines propter præstantiam ingeniorū, aliqui obe-
diant propter imbecillitatem, necesse est rixas, &
conten-

contentiones, ac bella tandem oriri, quando aut præ
esse uolunt, qui non sunt idonei ad hoc, aut non pa-
rere, qui non possunt consulere sibi ipsi, & salui
esse, nisi à melioribus regantur. Et ea quidem bella
uidentur secundum naturam esse maxime, reliqua
ex cupiditatibus, & malicia hominum suscipiun-
tur, & geruntur, tamen ex altera tantum parte.
Nam altera semper iustum bellum gerit. Aut enim
arcebat illatam iniuriam, aut armis res repetit abla-
tas. Idque etiam facit secundum naturam. Vult enim
natura, ut humana societas conseruetur, quod fieri
nequit, nisi uis depellatur. Vbi autem sunt bella, ca-
ptiuitates etiam ut sint, necesse est. Sæpe enim non
potest coerceri cupiditas aliter, quam uinculis &
carcere. Et satius est uinciri uictos, quam iterum
turbari pacem multorum. Quanquam, quod ad hoc
attinet, cum sæpe non praua cupiditate impulsus ar-
ma capiant, sed aut potentiorum ui coacti, aut igno-
rantia, & errore, non omnes capti in bello hoc iure
captiui sunt fortasse. Quemadmodum non omnes
serui possunt esse naturali iure, qui nascuntur à ser-
uis, aut alijs de causis in seruitutem uenerunt, nisi
quatenus uoluntate deliquerunt, & postea poenam
luunt peccati, nam & hæc poena est secundum natu-
ram, sed ibi tantum, qui sibi non possunt res utiles
ad uitam, uel querere, uel conseruare. Alij enim
G s sunt

tura pro eodem uidetur accipere. Hæc ideo prolixius de iure gentium exposui, quod non parum ad præsentem quæstionem conducant. Nam inter res priuatas, seu proprias numerantur & serui & ea, quæ sunt in bellis parta. Est autem quæstio, utrum pugnet cū iure naturæ, ius ciuile. Nam cum supra in primo libro dicatur, natura nulla priuata esse, idemq; multi alij doceant, & distinctio rerum, & proprietas à iure ciuili recepta, & approbata sit, meritò uidetur contrarium esse iuri naturæ ius ciuile. Quapropter recte facere Anabaptistas, & alios, qui docent, omnia debere esse communia, neminem debere habere aliquid proprii, præsertim cum fundamentum debeat esse ius naturæ ciuilis iuris, & in ipsorum Iurisperitorum libris scriptum sit, quod naturalia semper firma, & immutabilia permaneat. Ad quæ sic respondeo: Nunc est ostensum, captiuitates, seruitutes, & similia non esse diuersa à iure naturæ. Non possunt ergo rerum dominia contra naturam esse, cum & hæc numerentur inter priuata, & uerè sint, imò tota Oeconomia secundum naturam est. Itaq; omnia quæ pertinent ad œconomiam secundum naturam sunt, non serui tantum & domini. Docet hoc etiam dominia secundum naturam esse, quod homo præest reliquis animalibus, propterea, quod careant intellectu, & magna ex

gna ex parte hominum auxilio habent opus. Docet idem apum uita, in qua multæ uni parent. Quamquam autem præesse non est dominium habere, tamē sicut in Republica, ita in œconomia, unde orta est politia, alij debent præesse, alij parère. Hoc autem non potest fieri, nisi rerum sit proprietas. Huc pertinent etiam usitata argumenta. Non posse aliter salutem uniuersorum & singulorum consistere, nisi res distinctæ sint, & nisi sit proprium. Nam si undecunq; liceret sumere unicuiq; quæ esset futura confusio & turbatio. Quamquam huic malo fortasse posset succurri legibus, & poenis constitutis in ociosos. Ideoq; firmiora & planiora uidentur esse argumenta superiora. Deinde priuatam fuisse in omnibus Rebus publicis, non extremè barbarorum populorum. Et Deum ipsum in sui populi Repub. priuatum ordinasse. Quod quidem argumentum debet apud Christianos firmissimum esse. Neq; unquam Christus postea mutauit aliquid de illa re. Et sanctus Paulus, ne ex publico, aut priuato aliorum uiueret, quamquā iure potuisset, acquisiuit sibi ipse, unde sustentaret se. Approbat idem seruitutes, & priuatū, non solum in prima Epistola ad Timotheū, sed in alijs multis locis tum hæc, tum alias ciuiles constitutiones. Item cum dicit Esaias: Frange esurienti panem tuum, de priuato loquitur, nō de comuni.

muni. Et quid aliud sacra scripta præcipiunt,
 quando præcipiunt de bonis operibus, quàm ut de
 nostro & priuato largiamur indigentibus. Sed infinita
 sunt, quæ persequor. Referti enim sunt diuini li-
 bri talibus testimonijs, quibus priuatum non tantum
 approbatur, sed etiam iubetur esse. Cum ergo pri-
 uatum sit, & secundum naturam, & non tantum
 salutare cõmuni hominum saluti, sed etiam necessa-
 rium, aq; Deo ipso institutũ sit, nõ debet esse omniũ
 rerum communitas. Et, quando in Cicerone, aut
 alibi dicitur, omnia debere esse communia, sic intel-
 ligendum est, ut sit uoluntaria rerum communica-
 tio pro eò, ac iusticia præscribit, aut etiam gratuito.
 Nam quod mihi superest, hoc alteri, qui opus habet,
 donare etiam debeo, quando non potest uicissim ali-
 quid dare, ut fiat permutatio secundum iusticiam,
 hoc est, seruata æqualitate. Et est sanè ambiguitas
 in uocabulis communio, & communitas. Nam pro-
 rerum communi & iure & usu prorsus excluso
 proprio usurpantur, & pro uoluntario rerũ com-
 muni usu, & quem docet iusticia, seu Rerumpubli-
 carum ratio, & forma. Idq; postrius proprie signi-
 ficant hæ uoces Latinis, & Græcis κοινωνία in ta-
 libus disputationibus, & pro consuetudine, quam
 maxime sequimur in scholis. Plato magis in priore
 significatione uocabulo illo utitur, ex quo plura Ci-
 cero

cero sumpsit, quàm ex Aristotele. Hæc ambiguitas uocū uidetur mihi multas disputationes inutiles, & errores peperisse nostro etiam tempore. Quod autem Cicero in primo libro dicit: Sunt autem priuata natura nulla, de Platonico magis priuato, quàm de Aristotelico est intelligendum. Nam ibi certè natura ius ita separatur à civili iure, ut iuri naturæ communio rerum Platonica, civili Aristotelica, & priuation tribuatur. Nihil enim prohibet unà esse isto modo priuatū & publicū in ijsdem rebus, imò debet esse, & sic à natura est institutum. Videtur quidem natura uoluisse rerum omnium cōmune ius & usum esse, cum eiusdem generis sint omnes homines. Sed hoc est etiam considerandum, magnam diuersitatem in hominibus esse per eandem naturam, quæ, qui uoluit omnibus consulere, uoluit etiam, ut alij præessent, alij parerent, ut œconomia esset, ut civilis communicatio rerum esset. Natura enim non tantum quærit generationem rerum, sed etiam conseruationem, quatenus licet & potest fieri. Et quia ut Plato & Aristoteles docent, homo natura politicum animal est, necesse est politiam etiam secundum naturam esse. Politia uerò non potest existere sine hoc rerum usu proprio, & communi, hoc est, sine iusticia commutatiua & distributiua. Origo enim Politie est Oeconomia, in qua necesse est proprium

prium esse. Ergo tam priuatum, quàm communitas
naturæ congruit, alterum secundum politiam, al-
terum secundum œconomiam. Nec pugnat secum
natura, quod in diuersis speciebus diuerse agit, ad
unum tamen finem. Et uerba Ciceronis aut sic ex-
poni debent, ut sentiat, quando homines coeperunt
esse, non certum unicuique naturam assignasse, et ue-
lut manu tradidisse possidendum. Sed in tanta co-
piarum quemlibet pro suo arbitrio occupasse ua-
cuum. Quomodo enim illa aliter cum ijs, quæ tum
hic, tum in eodem opere dicuntur alibi, detrudere al-
teri sui commodi causa magis contra naturam esse,
quàm ea, quæ uidetur maximè esse talia, conueniât?
Aut certè, si de perpetua quadam naturæ lege aut
iure dicit, quã postea homines suæ utilitatis causa,
suoque tantum impulsu et arbitrio mutauerint, non
ipsius naturæ suasu et ductu, negandum est id, aut
sentiendū, quod ὁ πρῶτος ἀρχὴς de cōmunitate re-
rum illa dixerit, uolens ita homo politicus politiam
magnificè laudibus euehere. Sed re uera utrunque in
natura est, publicum et priuatū, et quidem ab in-
itio cum œconomia statim etiā esse coeperint, quan-
do homines, et publicum esse coepit. Aut certè
prius priuatum fuit natura, et tempore, quàm pu-
blicum. Ex œconomia enim Respublicæ ortæ sunt.
Hæc adnotanda hic obiter duxi, ut res obscura,
et latè

late fusa non nihil ab adolescentibus intelligeretur, olim fortasse copiosius, & distinctius eam explicaturus.

Cum igitur aliqua species utilitatis.

Hactenus aditum sibi fecit ad hanc sue disputationis partem, nunc rem ipsam inchoat, & ostendit primo, quid sit faciendum, quando res aliqua habens speciem utilitatis, se nobis obtulerit, nempe, referendam esse eam ad honestatem, cum qua si pugnet, ne quidem habendam esse pro utili, quantumvis nobis blandiatur. Deinde repetit supra explicatam disputationem de coniunctione utilitatis & honestatis. Et sic argumentatur fermè:

Turpitude non est secundum naturam,

Utilitas est secundum naturam,

Ergo utilitas non est turpitude.

Est Syllogismus in secunda figura. Sed quia Minor propositio erat infirma, addidit alteram argumentationem, quam nonnulli uocant *σωπῆτις*. Sed Aristoteles negaret, omne bonum esse utile. Bonum enim Aristoteli genus est, Utile species: nec conuertitur genus cum specie simpliciter, ut loquuntur. Reprehendit etiam eos iterum, quia distraxerunt & recitat incommoda, quæ sunt ex distractione secuta. Quod ibi autem dicit, turpitudinis penam esse

esse acerbissimam, intelligendū est de mala conscientia. Verè enim quod Græci dicunt, σωείδης πλὴν τῷ ψυχῆν, conscientia uerberat animū.

Additur aliud præceptum: Etiam sine teste faciendum esse honeste, quod ornavit bellissima fabula, quæ est in secundo πολιτειῶν apud Platonem, cum defensione quadam Platonis, & expositione fabulæ. Sub finem iterum indicat, quid sit honestum cum utili comparare, & per duo exempla contraria docet, quid sit in talibus deliberationibus sequendum, nempe omnia esse ad honestatem reuocanda, & ad publicam utilitatem, sicut in præcedente formula indicatum est.

Nec tamen nostræ.

Per occupationem respondetur ad eandem objectionem, quæ supra sub initium formulæ tractata est. Obseruari autem debet Chrysippi Apophthegma, in quo est totius huius disputationis summa, quod liceat quidem sibi quæque præ alijs prospicere de rebus necessarijs, & utilibus ad uitam, sic tamē, ut turpitudine absit, & iniuria aliorum.

Maxime autem perturbantur officia.

Nec facile negari debet aliquid amico, nec tribuendum quiduis. Quare duo præcepta præscribit Cicero. Alterum, ne nostram utilitatem illorū uti-

H litati

litati præferamus. Alterum, ut nihil contra honestatem amicorum causa faciamus. Quæ præcepta, & totam hanc rem de opera danda amicis complexus est breui dicto Pericles, cum rogatus, ut Gellius scribit, à quodā, ut pro se falsum deieraret, respondit: δὲ μὲ συμπεράτῃ τοῖς φίλοις, ἀλλὰ μετὰ βουλῶν. Eadem scribuntur in libello de Amicitia. Historiā Damonis, & Pythiæ, quæ exemplum est perfectæ amicitie, Valerius Maximus etiam recitavit lib. 7. ca. 4.

Sed utilitatis specie.

Antea docuit generaliter nihil faciendum esse turpiter propter aliquam utilitatem, seu speciem potius utilitatis, ut ipse vult, nunc eandem disputationem per species tum turpitudinis, tum honestatis incipit ducere, & comparat illas cum utili sic, ut cedere iubeat honesto utile in actionibus. De crudelitate primum dicit, quod non debeat exerceri publice. Nam illa circumstantia est iniecta propter aliquam speciem utilitatis. Simile præceptum est superius in primo libro. Declarat hoc exemplis tum sue Reipublicæ, tum Atheniensium, de quorum eadem crudelitate uide Valerium Maximum libro nono, capite secundo. Postea recitat alia exempla ex iisdem Rebus pub. quibus ostenditur, neglectam esse publicam utilitatem propter honestatem, quæ illi
utilitati

utilitati aduersata est. De Cyrsili historia lege Herodotum libro ultimo, ubi hoc etiam additur, quod uxorem quoq; eius & liberos lapidauerint uxores Atheniensium, cū audiissent, quid fecissent Cyrsilo mariti. Ille etiam Lycidas nominatur in Herodoto, non Cyrsilus. De Themistoclis hoc consilio, & contrario consilio Aristidis, est apud Plutarchū in uita Aristidis. In fine Pompeius & Cæsar notantur, quorum alter Campaniam uiritim diuisit, alter colonias assignauit Piratis. De quibus rebus uide Plutarchum in uita Pompeij, & Catonis Uticensis. Post Augustus Cæsar imitatus magnum suum auunculum, & patrem diuisit Veteranis agrum Gallicum.

Sed incidunt.

Proponuntur hic etiam exempla, quæ Cicero causas fere uocat, Iurisconsulti casus, nescio an satis latinè. Certè paulò aliter hæc uox ueteribus Latinis autoribus usurpata est. Sed in præcedentibus ferme statim honestas, aut turpitudine apparet. Quare ne quidem de talibus rebus consultandum esse uoluit, in his uerò non ita uidetur primò aspectu honestum aut turpe, quod cum utilitatis specie coniunctum est. Quare animos in diuersa trahi necesse est, & deliberationem in eis oriri, possit ne honeste etiam fieri quod utile est. Nam utilitatis spe-

tie magna ex parte primo pulsi animi incitatur ad
 agendum. Sed quàmprimum apparet turpitudine in
 eadem re, non est suscipienda actio, & quando non
 apparet, inquirendum est hoc, & inuenta honesta-
 te agendum, turpitudine uero inuenta, superseden-
 dum est actioni, aut etiam quando non potest inue-
 niri uel honestas manifesta, uel turpitudine, sed relin-
 quitur animus in dubio. Nam plerunq; dubitatio
 propensa est in deteriorem partem, propterea,
 quod magis ex affectibus oriatur, quàm uel ex ra-
 tione, uel ex rei natura. Et hæc duo sunt capita hu-
 ius totius libri, huc includenda est hæc tota pars di-
 sputationis de officijs, sicut ipse Cicero facit etiam
 in huius capitis fine. Hæc exempla sunt tractata
 per διαλογισμὸν, hoc est, per contentionem
 quandam, aut colloquium duorum Philosophorum,
 quorum alter nititur legibus naturæ, cum uult in
 his uenditionibus, sub quarum specie exempla tra-
 ctantur, quod quia honestum non sit, quod utile ui-
 detur, aut non esse utile, aut certè non faciendū esse.
 Alter legibus ciuilibus, quando contendit in ijsdem
 uenditionibus honestum esse cum utili coniunctum.
 Ideoq; seruiendum esse utilitati, quod possit parari
 sine turpitudine, uel etiam, quod sine turpitudine
 non possit negligi. Obseruanda sunt hic tum ambi-
 guitas uerbi celare, quod in sequenti capite exponi-
 tur, tum

tur, tum argumēta ex maiore, ac poena apud Athenienses in eos constituta, qui uiam erranti non monstrassent.

Quæ dijudicanda sunt.

Longissimum est hoc caput, in quo tamen fere nihil aliud docetur, quàm quæ paulò antè summam dixi doceri, & tractari in hoc toto libro. Initio explicantur exempla in proximo capite proposita. Deinde sequuntur alia exempla, seu causæ, aut facta, in quibus eadem subinde repetuntur, & inculcantur, additis uarijs tum argumentis, tum amplificationibus. In summa autem, ut nos etiam utamur repetitionibus, in omnibus exēplis ostenditur, quod nihil propter nostrū commodum facere debeamus contra honestatem, seu ius naturæ, quæ uult, & in omnium hominum mentes impressit, ne quid insidio se dicamus, uel taceamus, uel faciamus, uel omittamus, decipiendi aut lædendi alterius causa. Atque hoc etiā uult maximè illa definitio doli mali, quam Cicero tribuit Aquilio. Is dolus dicitur in libris Iurisconsultorum ex calliditate & fallacia fieri. Item pactum dolo malo dicunt fieri, quoties alterius circumscribendi causa a iud agitur, aliud simulatur. Et illæ definitiones sunt perfectiores, quàm hæc Aquilij à Cicerone posita. Omissa enim est deceptionis mentio, quæ tamen ex alijs uerbis huius

loci facile colligitur, & omnino talem simulationē noluit intelligi Cicero. Nunc si dolus malus non debet inter homines uersari, non debet etiam uersari inter eosdem homines simulatio, & dissimulatio. Atq; sic argumētatur Cicero ab illis formulis Aquilianis de dolo malo, quæ formulæ continuerunt modum & rationem prohibendi istam calliditatem hominum, & solertiam ad nocendum alijs. Harum etiam fit multa mentio in Oratione pro Q. Roscio. Argumentatur & à legibus civilibus, & iudicijs, quæ sine lege exercebantur. Illis etiam dicit uindicatum fuisse dolum in certis negotijs, ut in tutela, in qua cautū fuit, ne à tutoribus pupilli deciperentur, & in contractibus adolescentum, in quibus si decepti essent adolescentes, puniebantur deceptores lege Lectoria, ita enim est legendum. Nam Q. Lectorius hanc legem tulit. Sic etiam hanc uocem scripserunt Pomponius Letus, & Aldus Manutius. Fuit etiam dolus prohibitus in iudicijs bonæ fidei, de quibus hæc uerba sunt apud Boëtium in sexto libro Commentariorū in Topica Ciceronis. Est enim Iurisconsultorum prouincia priuatarū quæstio causarum, maximeq; in illis negotijs hic causarum locus examinabitur, in quibus bonæ fidei iudicia necesse sunt. In his enim qui fuerit animus contrahentium queri solet, qui deprehendi nix poterit, nisi præceden

præcedentibus causis intelligatur. In his igitur iudicijs, in quibus additur, ut ex bona fide iudicent, id est, ubi ita iudices dantur, ut non strictas inter litigantes stipulationes, sed bonam fidem quærant, plurimis causarum usus est, additur, ut inter bonos bene agi oportet, considerantur mores, inquiruntur consilia, statuitur quibus quidq; de causis administratum sit. De eadem re, uide Titulum de Actionibus lib. 4. Institutionum. De iudicio seu arbitrio rei uxoriæ scribitur sic in eodem loco. Est autem iudicium uxoriæ rei, quoties post diuortium de dote contentio est. Dos enim licet matrimonio constante in bonis uiri sit, est tamen in uxoris iure, & post diuortium, uelut res uxoria peti potest. Quæ quidem dos interdum his conditionibus dari solebat, ut si inter uirū uxoremq; diuortium contigisset, quod melius æquius esset, apud uirum remaneret, reliquū dotis restitueretur uxori, id est, ut quod ex dote iudicatū fuisset, melius æquius esse, ut apud uirū maneret, id uir sibi retineret: quod uerò non esset melius æquius apud uirum manere, id uxor post diuortium reciperet. In quo iudicio non tam bona natura spectari solet, uerum etiam comparatio bonorum fit, ut nō tam, quod æquū, sed melius, æquiusq; est, id sequendum sit. Quæ omnia ex præcedentibus causis uestigari scilicet. Nam si uiri culpa diuor

tium factum est. æquius, melius est, nihil apud uirū manere: Si mulieris est culpa, æquius, melius est, sextantem retineri. De fiducia hæc extant in eiusdem operis eodem libro. Fiduciam uero accepit, cuiusq; res aliqua mancipatur, ut eam mancipanti remancipet, uelut si quis tempus dubium timens, amico potentiori fundum mancipet, ut ei, cum tempus, quod suspectum est, præterierit, reddat. Hæc mancipatio fiduciaria uocatur idcirco, quod fides restituendi interponitur. Scauolæ exemplum continet factum boni uiri, & contrarium dolo malo, postea reprehenduntur ij, qui à bonitate sapientiam separauerunt. Ex ea enim re ortam esse omnem hanc calamitatem de simulando, & dissimulando. Huic exemplo statim est subiectum aliud dissimile unā cum conclusione, & eius amplificatione à legibus sumpta per collationem, & contentionem, Iure ciuili constitutum esse, ut uicia indicentur in prædiorum uenditionibus, cum hoc non fuerit in legibus Duodecim tabularum. Ad id declarandum est adiectum tertium argumentum. Habet hoc etiā exemplum cōclusionem, in qua probat obiter quoq; suam sententiam de exemplis præcedentis capituli. Atq; ita quartum exemplum annectitur, exemplo conclusio, conclusioni amplificatio per contentionem, amplificationi similitudo, similitudini occupatio,

tio, in qua iterum totam hanc rem ad ius naturæ accommodat, & simul ostendit causam diuersitatis in iure naturali & ciuili, facitq; ius ciuile genus, ius gentium speciem. Et hoc ideo, quia nasci ex iure naturæ seu gentium debet ius ciuile. Et quanquam ab eo diuersum est, tamen non est ei contrarium. Atq; sanè, quod Philosophi dicunt de arte, quod imitetur naturam, ita mihi uidetur de iure ciuili recte dici posse, ac debere, quod imitetur naturæ ius. Quàm recte autem Cicero ius ciuile fecerit genus, ius gentium speciem, cum sint proprie diuersæ inter se species, non uideo, nec inquirendum in hoc esse arbitror, à me præsertim, et hoc tempore. Cur tamen fecisse nobis uideretur, est dictum. Deinde sequitur alia Occupatio, quod non habeamus perfectam iusticiam, de qua re supra etiam est tractatum. Ibiq; prædicatur hoc, quod habemus de hac uirtute, quantumuis est exiguum, et non immerito. Non enim essemus homines, sed bestię, si illam quoq; uel umbram, uel similitudinem iusticiæ non haberemus. Et hæc omnia sunt expositio quædam superiorum omnium exemplorum, ubi cum dicit leges, quatenus manu tenere res possunt, Philosophi, quatenus ratione & intelligētia, aut hoc significat, ut speciatim uelit intelligi seruitutem, & alludat ad uocabulum mancipiū, de cuius re in proximo exemplo dixerat.

aut certe hoc uult, non tantum in mancipio leges
 uindicare dolos, sed magis in omnibus rebus, qua-
 tenus tamen oculis subiectæ sunt, & manu pre-
 hendi possunt, sicut Germanicè quoq; dicimus: So
 fern mans greiffet und sihet. Item: Gedancken sein
 Zoll frey. Et hoc sanè est, quod Aristoteles docet
 πρὸς τὴν ἀρχαίαν, καὶ διανοίαν, ἢ ἐπισήμους,
 nempe illam uersari circa singularia, has uerò cir-
 ca uniuersalia. Tota autem Reipublicæ & legum
 ratio πρακτικὴ est, id est, indiuidua respicit,
 non uniuersalia, quæ sunt intellectus. Sic pulchrè
 ad totum exemplum hæc conueniunt, & contem-
 tionem, quæ fuit inter Crassum & Antonium pro
 iure & æquitate. Huc facit, quod sequitur, ratio-
 nem postulare, ut nihil insidiosè faciamus. Suprà in
 tertio exemplo est uetus figura orationis, & foren-
 sis, quæ etiam est usus Cicero in oratione pro Ro-
 scio eodem modo: Cur non arbitrum adegeris Q.
 Roscium quæro. Boëtius non addit alterum accu-
 satium, cum inquit: In urbe arcendæ aquæ arbi-
 trum possumus adigere. Et rectè hic Erasmus eam
 figuram exposuit. Arbitrum enim accusatiuus pro
 pter præpositionem uerbo additam ponitur, nec
 sunt per appositionem coniungendi accusatiui. Bre-
 uis ibi quæstio quoq; est interiecta, qui sint boni ui-
 ri, & quid sit bene agi. Recitatq; Scenolæ de poste-
 riore

riore sententiam, & redit statim ad propositum, astutias non debere esse in uita, separatq; malitiam à prudentia, ut suprà saepe fecit. Sequitur aliud deinde argumentum à legibus civilibus, & repetit saepe nunc positam conclusionem, in qua omnes actiones referuntur ad ius naturæ. Quod ibi addit de difficultate abstinendi ab iniurijs proposita impunitate, sic alibi dicit: Est enim magna illecebra ad peccandum impunitatis spes. Ad hoc declarandum utitur etiã exemplo, in quo recte Crassum & Hortensium reprehendit. Ita enim docet Mimus: Bis peccas, cum peccandi obsequium accommodas. Simile quiddam & ipse uult, cum argumento ex minore turpitudinem eius facti ostendit. Postea per occupationem repetit reprehensionem eorum, qui se parant honestum ab utili, additis etiam malis, quæ ex eare oriuntur. Repetit etiam præceptum de non fallendo, & si fallere possis impunè & sine molestia aut labore. Opponit etiam exemplum Crassi auari hominis, estq; Antithesis. Definit etiam uirum bonum, & per obiectionem iterum dicit, quid sit utile. Cui obiectioni additum est sextũ exemplum ostendens, quanta res sit esse uirum bonum. Breuem conclusionem habet exemplum, & sequitur deinde argumentum ex Minore, quod est prouerbio auctum, & eius expositione. Sequitur hæc obiectio,

an non

an non liceat propter magnam utilitatem peccare. Huc etiam accersita sunt duo exempla. Primum C. Marij, de qua re uide Iugurthinum bellum Sallustij. Secundum Gratiadiani, in quibus ostenditur, utilitatem esse præpositam honestati, sed turpiter, & hoc quidem in conclusione sic satis longa, & amplificata capite huius partis, & comparatione damni, quod accipitur amisso nomine boni uiri, cum alijs omnibus utilitatibus. Et est hic locus uehemens, & paulo plus habet spiritus, quàm præcedentes in hoc capite habent. Postea alia duo exempla continua adduntur, Cn. Pompeij, & Iulij Cæsaris, quæ ostendunt, ab utroq; turpissimè omnem honestatem, & utilitatem publicam, priuatæ utilitati & potentie prælatam esse. Acerbè autem ambo obiurgantur, præsertim Cæsar, de quo etiam duo uersiculi ex Euripidis Phœnissis citantur, latini obiter à Cicerone facti. Eosdem Suetonius citauit in uita Cæsaris unà cum hoc loco Ciceronis. Pronunciantur autem apud Euripidem ab Eteocle nolente habere fratrem suum consortem regni. Ad hæc etiam exempla usurpata est breuis conclusio idem cum præcedentibus spectans, ac additur amplificatio de iniusta potentia, quam probat non esse utilem, sed potius perniciosam, opponens ei, quæ secum trahat maxima incommoda, ad hunc locum faciunt ea, quæ apud Ma
Trobium

trobiū de Dionysio scribuntur libro primo, capite decimo, in Somnium Scipionis. Accommodat hunc locum ad caput disputationis, ut maius aliquid ad minus. Inde nascitur aliud exemplum contrarium præcedentibus, cuius tamen explicatio idem docet de utili & honesto. Argumentatur autem ibi Cicero ex causa finali imperiorum. Cum hoc loco postrema huius capitis amplificatio coniungitur, quæ etiam tria exempla habet, & eorum expositiones, fitq; hic cum opibus honestatis comparatio. Sic per totum hoc longissimum caput nihil aliud agitur quàm quod conferuntur uariæ utilitatis partes & species cū honestatis partibus, quæ iusticia & prudentia uocantur. Ac simpliciter ostenditur, ubiq; uincere honestatem debere, utilitatem uero cedere, & dirigi debere honestate.

Plenus est sextus liber.

Nihil aliud in hoc etiam capite, quàm hætenus est actum in hoc toto libro, agitur, quanquam alia quadam forma, in principio maxime. Suprà enim in rebus partim factis, partim dictis est monstratū, quod est honestum, id solum, aut maxime omnium expetendum esse, præferendumq; omni utilitati, & nec utilitatem ullam sine honestate habendā esse pro utilitate. Hic uero per quæstiones hoc facit, & eas quidem multas, ac uarias, in quarum una, quod dicit,

dicit, Vinum fugiens, à Græcis uocatur ἐφεσικῶς,
 καὶ ἐκφοπίας. Conuenit cum his appellationibus
 etiam uox Germanica, nisi quod minus est pro-
 pria. Est autem, auffgestanden. Et significant hæc
 omnia uinum corruptum, siue lentum quiddam ha-
 beat, siue acidum. In hac oratione non, nisi ea, quæ
 nisi dixeris, redhibeatur mancipiū iure ciuili, abla-
 tiuus iure ciuili non pendet à uerbo redhibeatur,
 sed ex præcedentis orationis uerbo, dicenda sunt,
 nisi legatur sic: nō ea &c. uoce, nisi, omissa in prin-
 cipio, sicut legitur in Lugdunensi codice. Verum
 tunc est etiam ponendum punctum interrogatiuum
 post ebriosum, & hæc, non hic in commate, sed hic
 mendacem esse, totaq; hæc oratio erit præcedentis
 expositio. Quod ad sensum attinet, nullum erit di-
 scrimen, utro modo scribas. Non enim mutabitur.
 Aurum millenarium hic significat id aurum, quod
 habet non pondus mille denariorum, sed precium.
 Faciunt autem mille denarij centum aureos Galli-
 cos, Rhenenses centū triginta tres, & tertiam par-
 tem aurei. Sestertium millies, facit Gallicæ monetæ
 uicies quinquies centena millia, Germanicæ trities
 tercenties, & tricies ter mille, trecētos triginta tres
 aureos, & aurei tertiam partem. Porro similis lo-
 cus ei, qui est hic de pactis, est suprā in primo libro.
 Habent hæc quæstiones & exempla fabulosa conclu-
 sionem

sionem, cui annexa est generalis conclusio primæ partis huius libri, in qua collata est utilitas cum iustitia & prudentia.

Ac de prudentia quidem.

Transitione coniungitur sequens caput cū præcedente. Sic enim rectius distinguuntur capita, nec prior pars transitionis superiori, posterior sequenti est tribuenda. Proponuntur autem hic etiam varia exempla, in quibus uidetur pugnare utilitas cum fortitudine. Primum est fabulosum, à quo per ἀπὸ ὁμοζυγίας transit ad Reguli exemplum primo contrarium. Hoc Reguli factum prolixè tractatur, & defenditur aduersus amicos, & uelut socios utilitatis, aduersarios uerò, aut hostes honestatis. Argumentatur Cicero initio ab ipsius animi præstantis iudicio. Deinde admiscet ipsi expositioni historię duarum obiectionum confutationes, nempe non stultè cum fecisse, ut uideatur, nec ideo, quod non censuerit reddendos esse captiuos, nec ideo, quod etiam hoc fieri in Senatu dissuaserit Et metuitur etiam hic rem ex honestate, & publica utilitate. Postea sex obiectiones addit de iureiurando Reguli, in quibus recitat causas, propter quas uidetur non coli, aut seruari debuisse à Regulo iusiurandum. Prima est, Iouem non irasci, hoc est nec punire periuros, nec afficere præmijs seruantes iusiurandum. Secunda

cunda, non magis Iouem leſurum fuiſſe Regulum, ſi non ſeruafſet fidem hoſtibus, quàm leſit ſeiſpe, quãdo redijt Carthaginem. Verſatur hæc in comparatione pœnarum, aut cruciatuum. Tertia, in turpitudine tantum mali non eſſe, quantum ſit in illis cruciatibus: Et hic eſt comparatio ſcilicet malorum, ſeu cruciatuum, & eſt cum præcedente cognata. Quarta eſt ex circumſtantia quadam perſonæ, hoſtibus non fuiſſe fidem ſeruandam, & citatur ad hoc ex Accio Poëta uerſus, qui eſt octonarius. Quinta eſt inuerſio fundamenti huius diſputationis Stoicæ, de coniunctione utilitatis & honeſtatis. Quædam uideri etiã honeſta, quæ tamen non ſint honeſta, ſicut ipſi dicant, quod non ſint utilia nonnulla, ut maxime uideantur. Sexta, propter magnitudinem res turpes alioqui fieri honeſtas. Verſatur & hæc obiectio in comparatione. His ita expoſitis, reſpondet ad ſingulas obiectiones, ſeu argumenta aduerſariorũ iuriſiurandi & fidei, quæ ſunt magna pars honeſtatis. Primum argumentum reſellit duobus argumentis ſumptis, altero ex abſurdo, altero ex natura iuriſiurandi. Tolli hoc argumento omne iuriſiurandum, & non pœnæ metu ſeruandum eſſe, uerum per ſeſe, ac deſinit unã iuriſiurandum, reuocatq; ad iuſticiã, unde ſignificat tacitè ſic debere colligi:

Omne

Omne honestum est per sese colendum,
 Iusiurandum est honestum,
 Ergo per sese est colendum.

Secundum infirmat uno tantum argumento, quod est à natura & ordine bonorum & malorum, tractum per quandam concessionem, non esse dolorem summum malum, aut ne quidem malum: idq; confirmat tum Philosophorum autoritate, tum Reguli exemplo. Debet autem hoc ibi intelligi, turpitudinem summum esse malum. Nam si uirtus, aut honestas est solum aut summum bonum, necesse est uicium seu turpitudinem esse aut solum, aut extremum malum. Eodem modo prorsus confutatur tertium argumentum, nisi quod argumentum ex Minore est additum, ubi eleganter fit hæc quoq; collatio, id esse in animo turpitudinem, quod sit in corpore deformitas. Significat enim deformitatem turpitudinis, sed animi fere tantum, Græcis paulò latius patet uocabulum αἴχος, & de corpore quoq; dicitur. Quartum sic diluitur: Atreus impius Rex pronunciat apud Accium hunc uersum, nec habendus est pro Poëtæ sententia, quod in fabulis dicitur, ibi enim seruitur personæ. Quod cuiusmodi sit, in primo libro est expositum. Atq; ita argumentum hoc in personæ circumstantia uersatur. Docet ibi obiter quoq; Cicero, quod iusiurandum, & quibus sit seruandum.

Quod autē hosti datum seruari debeat, fere omnes sentiunt, & ipse Cicero in primo libro suprā idem praecepit, ususq; est eodem exemplo. De latronibus adhuc est inter eruditos contentio. Leges nec iubēt, nec prohibent hoc fieri, quanquam generaliter plerunq; hæc de nudis promissionibus disputantur, sine iuramento. Quod tamen sic totum est intelligendum, ut sentiamus rem debere licitam, aut non turpem promissam esse. Nam si uel promiseris, uel iuraueris, quod habeat certam turpitudinem, hoc nequaquam est seruandum, neq; humano iure, neque diuino. Quanquam interim grauiter peccat is, qui iurat præsertim, & Deum ad rem falsam, aut mendacium adhibet testem. Et quidem Theologi superioris seculi docent, committi peccatum mortale, nisi ab ignorante uerum, aut falsum iuretur. Faciunt etiam differentiam inter mentiri & mendacium, quibus tamen argutijs, præsertim hic nihil opus est. Ponunt præterea duplex iuramentum, alterū assertorium, alterum promissorium, hoc referunt ad res futuras, illud ad præteritas & præsentis, quod nō reprehendo, sed tamen aliquid futurum iurari potest sine promissione, saltem falso, ac pro eo, ac ipsi de iuramentis & periurijs disputant. Nam qui sic iurans promittit: Ego sancte iuro tibi, cras pluiturum esse: aut si die Iouis aliquid agere inceperis, feliciter

foeliciter hoc euenturum esse, nihil obligatur iure ciuili, nec peierauit, quando hoc non accidit, uel promissione addita. Iure diuino tamen si non obligatur, nihilominus tamen, si hæc non eueniant, periurus fit, aut fortasse tum etiam, quando euenit iuratum. Temeritas enim est, & blasphemia in Deum illa iurare simpliciter, quæ non habeas in tua potestate, aut de quibus non certus sis, fore, ut aut accidant, aut non accidant. Porro non est hoc concedendum quibusdam Theologis saltē ciuilit̃er, qui docent periurium tantum in intentione obligandi se consistere. Sic enim patefieret magna fenestra hominibus, ad uiolanda pacta, promissa, fœdera, & omnis generis contractus, adeoq; fides humanæ societatis uinculum subuerteretur, nec ipsis non turbaretur iuramentum, de non seruandis operibus perfectio- nis. Notū enim est, quæ uocent opera perfectionis. Nunc si quis iuraret, se seruaturum esse opera perfectionis cum proposito non seruandi, certē faciendum esset contra propositum, seu intentionem, ne poneretur obex motioni Spiritus sancti, ut loquuntur. Aut enim essent seruanda, aut relinquenda libera. Utuntur, qui sic docent, ad hoc uerbis S. Augustini, qui dicit in quodam loco: Interest, quemadmodum uerbum procedat ex animo, ream linguam non facit, nisi rea mens sit. Quæ si paulò dexterius

intelligentur, nihil patrocinantur illis, præsertim ad ciuile periurium. Est itaq; periurium erga Deum uel non facere hoc, quod iurans promiseris, te facturum, uel non esse, quod esse iuraueris, siue hoc sit uerum, siue sit falsum, excepto eo, quod per iustam ignorantiam iuratur. Quanquam non debet seruari, quod turpe sit promissum. Non enim duplicari debet peccatum. Ac sanè pia mens ne quidem ea iurat, quæ uidentur in nostra potestate esse, nisi addita conditione uel expressa, uel intellecta. Illa enim est incertitudo rerum humanarum, ut quæ maximè putamus nobis subiecta esse, ab eis sæpe excidamus. Quod tamen de ijs, quæ promittuntur, intelligi debet. Nam asseri aliquid sine mendacio aut periurio potest, ut cum iuramus Deum esse, Deum iustum esse, item cum iuramus, nos sensisse, quod certo sensimus, aut intelligere, quæ uere intelligimus, hoc est, cum asserimus iuramento illa esse, quæ natura impressit nobis certa, uel Deus ipse mandauit nobis, ut pro certis haberemus, & assereremus. In his tamen etiam posterioribus maximè est fugienda temeritas, & præcipitantia, Ac tutius est sine iuramento illa asserere, nisi aliqua necessitas iurandi nobis imponatur, ut sit in iudicijs, aut etiam alibi. Hinc nata sunt in foro iuramenta ueritatis, & credulitatis. Graue enim est, Deum adhibere testem, id quod

Id quod fit in iuramentis nominatim hoc nostro tem-
 pore. Egregiè præcipit Isocrates, ubi dicit :
 ὁρκοὺς ἑπακτοῦ προσδέχεσθαι διὰ δύο προφά-
 σεις, ἢ σ' αὐτὸν αἰτίας αἰχρᾶς ἀπολύων, ἢ
 φίλους ἐκ μεγάλων κινδύνων διασώζων.
 ἕνεκα δὲ χρημάτων μηδὲνα θεὸν ὁμώσης,
 μήδ' αὖ ἐνοχεῖν μέλλης, δόξεις γὰρ τοῖς
 μὲν ἐπιορκεῖν, τοῖς δὲ φιλοχρημάτως ἔχειν.
 Pertinet hæc tota res ad secundum et octauum præ-
 cepta diuina. Quod autem liceat iurare Christia-
 nis in rebus scrijs, aut necessarijs, aut ad defensionem
 gloriæ diuinæ, et salutem hominum, tum alia
 probant, tum exemplum S. Pauli. Docuit idem Au-
 gustinus his uerbis: Iuramentum faciendum est in
 necessarijs, cum pigri sunt homines credere, quod
 eis est utile. Sed redeamus ad latrones, quibus eti-
 am est seruanda fides non minus, quàm hosti, præ-
 sertim si prius indixerint bellum, id quod plerunq;
 fit nostra etate. Fortasse non fuerunt talia latroci-
 nia, cum Cicero uiuere, aut adhuc fortasse in alijs re-
 gionibus non sunt. Nec recte possunt dici latroci-
 nia, sed uera bella sunt. Quod autē à ueris latroni-
 bus extortum est iusiurandum, id ius ciuile non co-
 git seruare, imò non habet aliquando magis pro iu-
 ramento, quàm quod est aut impossibile, aut rem
 turpem continet. Dicit enim metum cadere etiam in

constantem uirum, id est, posse adigi uirum constantem proposito uel capitis, uel alio magno periculo, aut iuret contra, quam faceret extra periculum positi: us, & quidem hoc non tantum de iuramento, quod à latrone, sed quod à quouis alio extorquetur, intelligendum est. Theologi sentiunt contra, seruandū esse tale quoque iuramentum, quanquam non cogendus sit is, qui iurauit, ad seruandum, sed monendus, ut seruet, id est, sine peccato non posse non seruari tale iuramentum, nisi tamen res illicita, aut peccatū sit iuratum. Tunc enim non debet seruari, quia adderetur alioqui peccatum peccato. Vbi manet hic intentio? quam si quis aliam ab eo, quod uerbis iuratur, habeat, necesse est, non ex eo pendere periurium, aut in tali causa committi periurium, siue, quod iurasti, serues, siue non serues. Et hoc omnino fieri puto, cum ad Deum refertur ista res. Tale fuit iuramentū Saulis, propter quod uoluit filium suum Ionath. interficere: & Dauid sic iurauerat se occisurum esse Nabal, cum omnibus suis, & recte fecit, quod non seruauit iusiurandum, retractus ab instituto per Abigail uxorem Nabal. Philosophi propius ad Theologorum sententiam accedunt, quam ad Iurisconsultorum sententiam. Docent enim honeste faciendum esse cum quantocumque periculo aut damno. Iam si honestum est stare pactis & conuentis, in

tis, in quibus non est aliqua turpitudine, aut dolus, multo magis seruari debent iuramenta, in quibus etiam à coactis promissum est, quod sine turpitudine seruari potest. Nam, quod iurisperiti dicunt, metum cadere in uirum constantem, Philosophi quidem etiam concedunt, saniores præsertim, ut sunt Peripatetici, uerum, paulo aliter, cum docent, non debere sine metu esse hominem, sed debere medium seruare in metu, id est, non committere, ut metu uel periculo mortis cōtra honestatē faciat. Quare potius mors perpetienda erat, q̄ iuranda res turpis, aut hoc, quod non uelles seruare. Atq; ita quidem faceret uir fortis. Sed quia magna est imbecillitas nostræ naturæ, ut ad nostra opera & religionem redeam, facile potest & in talibus rebus, sicut in alijs etiam, labi, & errare homo. Quod cum acciderit, non tamen debet propterea desperare, sed redire in uiam, & poenitentiam agere. Est enim unum de illis peccatis, quæ ignoscit Deus, seu ut scriptura loquitur, in filium est peccatum, non in spiritum sanctum. Quanquam debemus ipsi nobis resistere, aut potius orare Deum, ut det nobis animum, & constantiam contra istiusmodi peccata. Illam etiam infirmitatem, aut tantam uim affectuum in hominis natura iurisperiti, ut prudentes homines, & multa edocti usu rerum intellexerunt, eoq;

respexerunt, cum disputauerunt, metum cadere etiam in uirum constantem. Hæc fere habui, quæ de iure iurando annotarem hic obiter, quod Cicero nis sententia sic melius intelligi posse uidebatur, et quod res magna est, et in qua procliue est commit ti grauiſſima peccata, quæq; uarios prætextus habere potest. Nunc redeo ad propositum. Cicero in hac quartæ cauillationis refutatione utitur hoc Syllogismo, non tamen continuatis, et Dialectico ordine positis partibus:

Iuramentum hosti est seruandum,

Regulus dederat hosti iuramentum,

Ergo debuit seruare hoc iuramentum.

Citatur etiam ibi uersiculus ex Euripidis Hypolito latine factus, quem copiose est imitatus Ouidius in Epistolis, ubi dicit:

Quæ iurat mens est, nil coniurauimus illa.

Illa fidem dictis addere sola potest.

Consilium, prudensq; animi sententia iurat,

Et, nisi iudicij, uincula nulla ualent.

Pertinet huc tota illa fabula. Adduntur postea duo exempla ex Romana historia, quibus Maior Syllogismi præcedentis probatur. Prius extat apud Liuium in nono libro primæ Decadis, Secundū in. 53. Epitome Flori. Habet hoc etiam amplificationem à contrario facto Q. Pompeij scilicet, cuius fit mentio in

tio in. 54. Epitome Flori. Confutatio quinti argu-
 menti est negatio causæ iurisiurandi, cui annexa est
 obiectio de profectioe. Poterat enim uideri ex me-
 tu quodam profectus esse Romam Ad eam sic res-
 ppondet, cum quadam obiurgatione, ut iudicaretur
 causa per Senatum ipso suasore, ideo profectum
 esse. Sextum argumentum reuocat rem ad fundas-
 mentum disputationis cum repræhensione sermonis
 non fieri, sed esse honestum, quod ualde sit utile,
 atq; omittit, quod inde uolebant colligi, manere in
 patria, esse domi suæ cum coniuge, cum liberis, &
 alia, quæ suprâ sunt recitata, esse magnas utilitates,
 propterea etiam honesta fieri, nec Regulû contra
 has suas tantas utilitates debuisse facere. Ad hoc ta-
 men sub initium Historiæ respondet. Elegans locus
 est de hac re apud Gellium libro primo, capite ter-
 tio. Postremo laudat hoc Regulî factum Cicero, per
 quandam comparisonem partium duarum, quod
 censuit non reddendos esse captiuos, & seruato iu-
 reiurando reuertit Carthaginem, ostenditq; exem-
 plis, quanta fuerit reuerentia ueterum Romanorum
 erga iusiurandum. Tota historia Manlij extat apud
 Liuium in septimo & octauo libris primæ Decadis,
 Quod exemplum est superiori contrarium, docet
 tamen idem, quod ad Senatus iudicium attinet,
 accommodaturq; factum illorum decem legatorum

ad pugnam, quæ uidetur esse inter prudentiam & utilitatem, quod supra plenius est explicatum. Porro tota historia de captiuis non reddendis publice refertur ad præsentem collationem, quæ est inter utilitatem & fortitudinem.

Restat quarta pars.

Hactenus est utilitas in hoc libro comparata cū prudentia, iusticia, & fortitudine. Iam incipit etiā comparari cum modestia, quarta honestatis parte. Sicut autē in præcedentibus partibus est ostensum, quod magna sit utilitatis cognatio cū ipsis, quodq; non sint habenda pro utilibus ea, quæ cum una illarum pugnent, ita hic ostenditur, quanta sit eius cognatio cū modestia & continentia, similibusq; uirtutibus, quas omnes una appellatione uenire Cicero ni supra satis est indicatum, nec esse quicquam iudicandum utile, quod his uirtutibus sit contrarium quantuncunq; speciem habeat utilitatis. Et est sanè ea cognatio inter utile & honestum, & illas uirtutes, quæ est inter genus & species. Siquidem idem sunt utile & honestum, ut uult Cicero, idq; initio huius libri disputauit. Ac tametsi præcipuè Cicero hoc docet, nihil esse pro utili habendū, quod non sit honestum, uidetur simul tamen probare tanquam coniunctionem illam honesti & utilis. Nam quod conuenit ita cum omnibus partibus aut speciebus ali

cuius

cuius totius aut generis, ut idem sit cū eis, necesse est idem quoq; esse cum toto aut genere. Quanquam Cicero alia forma utitur: Nihil, inquiens, cū omnibus partibus honesti, seu cum ipso honesto pugnans est utile, ergo, nihil quod est utile, pugnat cū honesto. Sed neq; ex primo sequitur prorsus hoc: Omne honestum est utile: neq; ex secundo illud: Omne utile est honestum. Quia non sequitur necessario uel ad negationē alicuius de contrario eius affirmatio de altero contrario, uel ad negationem contrarij de aliquo affirmatio alterius contrarij. Sed omittamus hæc, & putemus sanē Ciceronem priorem partem disputare. In hæc loco sumit Cicero uoluptatem, quam homines habent pro magna utilitate, & cū ea comparat honestatem sic ut doceat uoluptatem non esse rem utilem. Ita autem hoc probat:

Nihil, quod est contrarium Modestiae, utile est,

Voluptas est contraria Modestiae,

Ergo non est utilis uoluptas.

Minor est probata ab officijs uirtutum sumpto argumento, amplificataq; longa insectatione Epicuri, & similium Philosophorum, qui aut uoluptatem suum bonum statuerunt, aut uirtutem conium-
etam cū uoluptate, & conatur demonstrare, quan-
tam ruinam honestatis & omnium uirtutum hæc do-
ctrina secum trahat. Ego suprā satis ostendi, quæ
sit de

fit de uoluptate Aristotelis sententia, nec satis cau-
tè, uel nimis Stoicè facere Ciceronem, qui uolupta-
tem contrarium uirtutis ponat, & ne quidem inter
bona uelit numerari. Profecto Epicurus non habuit
omnino nullam causam, cur uoluptatem censuerit
esse bonum, & quidem summum: quem tamen hic
non defendo, & de hac re alibi copiosius disputabi-
mus fortasse. Quæ hic de fine bonorum & malo-
rū obiter sunt exposita à Cicerone, fusissimè dispu-
tata sunt ab eodem in quinto libro de Finibus bono-
rum & malorum.

Habes à patre munus.

Totum opus hic concluditur, & repetita sunt
frè omnia, quæ hic dicuntur ex præfatione primi li-
bri. Sunt autem commendatio operis, & adhorta-
tio ad lectionem eius. Item occupatio de diuersitate
sue sectæ, & Cratippi sectæ. Obseruandum est,
quod in fine subiungit superlatiuo comparatiuum,
& quidem maius quiddam illo significantem con-
trà, quàm pro graduum natura, pro consuetudine
tamen latini sermonis. Sic etiam est locutus Ouis
dius in nono libro Transformationum.

Sed quæ cum tibi sit iunctissima, iunctior esse

Expetit, & uinclo tecum propiore ligari.

Elegans est omnino formula orationis, & magnum
quendam impetum ac uehementiam habet.

Hæc frere

Hæc fere uolui & potui scribere hoc tempore, non tam, ut qualemcūq; lucem afferrem huic opusculo Ciceronis, quod tamē dignum est omnino, in quo ornando & illustrando, ac commendando adoleſcentibus omnes studium, atq; operam aliquam ponant, quā ut ostenderem studiosis talium rerum, quomodo congruerent hi Ciceronis libri cum Aristotelis libris τῶν ἀρχαίων, simulq; commonescerem eos, ex fontibus illa tandem scholasticos etiam haurire debere. Gratius enim, ut inquit Poëta, ex ipso fonte bibuntur aquæ. Et dignus est Aristoteles, quem uelut exemplum sanæ & expeditæ doctrinæ habeamus. Quanquam non uelim uideri hoc dicere ad extenuandas Ciceronis laudes, quem scimus, & gratissimo animo recordamur, non pauca priscis & melius, & elegantius docuisse. Atq; uti nam haberet iste author paulò plures & diligentiores lectores. Quod tamen hoc seculo propemodum accidisse uideo, licet nunc iterum hoc incipit agi, ut inquinemur illa uetere barbarie. Quid dico, ut iterum inquinemur, hoc agi? Nondum illud cœnum totum absterimus, & uix tandem agnoscere potuimus, ac serius, quā agnouimus perfectè barbariæ, & totam, hoc enim est perfectè, ut puto, agnoscare, quod malum & pestiferū est, exterminauimus, & quasi in exiliū, ut iamdudū est merita, egimus,

elegant

elegantiarum literarum iterum fere nos obliuio & satietas cœpit. Quod cur accadat nobis Germanis, utinā sim falsus, non uideo, nisi quod similes habent labra lactucas, & facili nobis tædium, talium præsertim rerum, irrepere solet. Sed reuoco me ad finem, ad quem tendit nostra oratio. Nos Commentarios conscripsimus & ædidi, tum eorum gratia quæ nunc indicaui, tum, ut periclitaremur nostrum ingenium, atque ex multorum iudicio disceremus, quantum de nobis ipsi deberemus sentire iam, & in posterum sperare, imitati in hoc Apellem, & alios bonos artifices, qui non uoluerunt ex unius, aut alterius pendere iudicio, sed multorum audire sententias. Nam, ut docet Hesiodus, φήμιν οὐτὶς πᾶσι περ ἀπόλλυται, ἢ ντὶνα πολλοὶ λαοὶ φημί, θεὸς νύτῃς δὲ καὶ αὐτῇ. Quod si animaduertam non displicuisse hunc meum laborem ijs, qui uersantur in discendis nostris literarijs artibus, non leuis mihi fuerit stimulus additus ad alia lucubrando, & fortasse, ut solet diem dies docere, meliora. Reliquum est hoc, ut Lectores rogem, ne sint iniqui huius mei facti iudices, ac me minuerint fauendum esse potius conantibus aliquid honeste, quàm obstandum.

F I N I S.

ERRATA.

Folio	Linea	Lege
27	23	ὅπως
29	22	κ' ἀκείνο.
42	6	præspicere
43	9	effectus
50	21	ὁμοδολοژی
53	22	in Cicerone
74	14	ἐχέ
75	10	uberioris
108	14	privatum

Hæc sunt Amice lector, quæ inter relegendum
 observauimus, quibus autoris sententia periclitari
 uidebatur, cætera quæ tu oculatior fortasse
 animaduertes, paucula opinor & le-
 uiuscula, candidè corrigito,
 & Vale.

ARGENTORATI APVD
 CRATONEM MYLIVM
 MENSE SEPT.
 ANNO
 M. D. XXXIX.

















